

朱興武將軍復轍錄

朱興武將軍  
哀輓錄

興武將軍朱公介人遺像



贊曰

既上將維邦之傑光我  
華夏福我越絕心戈為  
武不忍匪佞哀苦天鑒躬  
瘁國活樹此儀型昭示  
東哲

沈銘昌



興武將軍海鹽朱公事略

公朱姓諱瑞字介人浙江海鹽人父廷楨母爲同縣王葆善女兄弟三長復初縣學廩生早世次錫康官江西金谿縣知事公其季也三歲居父憂家毀於火孤嫠煢煢相依爲命守禮勵學鄉黨稱賢公七歲舉止異常兒從長兄學質鈍志劬讀春秋左氏傳至戰陣事每徹夜不寐琅琅之聲達戶外必求爛熟而後已旣而母若兄相繼歿公十有二齡居喪盡哀若成人然年十八肄業於秀水中學校踰年歸試補縣學生員會日俄構釁公痛外患日棘謂非修戎事不足以圖強乃投考於南洋陸師學堂乙巳畢業還浙任本省督練公所參謀處各差旋調充步隊第二標執事官遂與標統蔣尊簋勦設弁日學堂日以訓練將才爲務綿歷三載以勇任事明建議爲儕輩折服其時清政不綱天下洶洶光復同盟各會圖改革浙中志士咸與之公率所部相與結合己酉移皖任督練公所參謀處提調兼測繪學堂監督庚戌回浙任步隊營管帶繼擢標統辛亥八月武昌起義沿江州郡相繼反正吾浙於九月十四日光復不一月全境底定公始終其事爲力甚勤時蘇

滬獨立惟江寧未下於是公有率浙軍會合蘇鎮聯軍攻克江寧之役蓋十月十三日也先是武昌安慶既不勞師而下獨江寧不附迨漢陽民軍失利江上諸軍爭言援鄂不能分兵東趨以徇江寧則浙與蘇交受其困東南之事未可知也公乃與浙江都督湯壽潛議長江形勢上有江陵下有江寧今欲舉吳楚之地興北伐之師必先定江寧則上游之師可出江漢以窺宛洛下游之師可踰淮以取山東若曠日持久士氣易墮非策也惟鎮江爲江寧門戶清駐有防兵若浙師不卽出使其懷疑思抗備而待我尤爲非策湯遂以浙兵八千人屬公凡爲步隊兩標游擊隊兩營馬礮工輜及敢死隊各一營陸軍警察一隊以九月二十三日出浙合蘇滬各軍共策進取會林述慶既下鎮江公與聯軍定議率部首發進規高資及下蜀十月一日至龍潭聯軍乃大集浙軍分道先驅遂領烏龍山合黎天才軍進取幕府山繼有孝陵衛之捷轉戰數晝夜至八日乃破天保城十二日突擊朝陽門而江寧始下是役也浙軍夜襲天保城者三隊官葉仰高力戰死士氣愈奮卒以先登夫江寧恃天保城爲要塞斯城既得下瞰江寧命礮無不中故守兵不

戰而自走矣公既入江寧下令不妄殺不得肆掠奪以是浙軍論功爲聯軍最而紀律之嚴亦過他軍既而聯軍定北伐公領師渡江詞意慷慨兵次符離集以政體既定還師江寧天寒遠征軍事旁午公與士卒甘苦相共而肺病實始於此時南北意見紛歧公創議聯合各軍設聯軍參謀團尊重中央政令融畛消域於是南北乃漸就統一嗣陸軍部改編浙軍爲第六師第二十五師任公爲第六師長旋合編爲第五軍擢軍長兼領第六師事然督兵居江寧前後六閱月始還浙先是北伐各軍退居江上無何贛軍譁變閭巷囂然公在軍中日爲解紛退事撫輯不日卽靖江寧人德之留浙軍乞勿卽去也浙江自光復後初公推湯壽潛爲都督繼任者爲蔣尊簋至八月公代蔣爲浙江都督兼民政長政府以公功并授陸軍上將銜陸軍中將在職五年百廢具舉軍懷其德吏肅其威舉凡教育實業水利市政諸大端力事提倡說者謂文武兼資公無媿焉二年七月贛寧兵興戰禍及於淞滬浙爲隣壤勢亦脆脆公力持鎮定曉於衆曰吾浙人也安危與浙共之不知其他守境戒嚴廛市不擾故當時海內視浙爲樂土迨事平公亦病告休不

得乃堅請免民政長兼職舉內務司長屈映光繼之以實行軍民分治蓋公本久持此議也是年特授勳二位先後並授一等文虎章一等嘉禾章三年六月改官興武將軍督理浙江軍務其時友邦賓使往來於浙者踵相接公輒以外交體大舊時所習英日語言文字爲頻年軍事所閒荒落泰半與外賓通款曲假舌人時虞隔閼故每日晨起必溫習其所學雖機務紛集不稍輟其習學勤政類如此四年國體改革之說大張公盡焉爲憂其病日亟十二月滇黔兵起公乃與今副總統河間馮公提挈蘇浙互爲之備蓋馮時領軍江寧其議謂浙與蘇皆四戰之地自辛癸以來休養生息元氣甫復故相約以保境息民洎五年三月桂粵宣告獨立四月浙人亦羣謀應之公慨然曰以浙之地理兵力而宣布獨立吾恐殘民以逞人笑其後然過衆志而啟內訌吾不足惜浙且先蒙其禍遂撤衛引去瀕行時猶以電話告主張獨立首事諸君善保地方秩序公既去浙居上海養病者三月餘浙中有來言浙事者公惟以維持地方爲言嗣以醫者謂北方濱海之地宜於病遂徙居天津病終不治彌留之頃無一語及家事卒於民國五年八月三日爲



舊歷丙辰七月五日也春秋三十有四事聞大總統深爲悼惜令陸軍部照上將例從優議卹妻張氏爲世楨女弟子二積壘積燄孿生也俱幼公狀貌英挺秉性淳厚治事慎密有決斷於人重然諾樂任卹故公之卒於天津及歸櫬於鄉賻唁絡繹歐美諸僑人亦相率來弔於此可以覘公之遺澤感人之深矣嗚呼恆幹中摧才不竟用此則海內知公者所同聲歎咤也世楨與公爲懿親從公久知公詳爰綴其爵里行誼以著於篇無溢美無阿好以告當世並備立言之君子採擇焉臨文哽噎不盡所云張世楨識

興武溘逝天下惜之上自政府下及吏民外暨歐僑諸人莫不各有哀輓之作自天津邸舍治喪而後扶櫬南還而濟南而浦口而江寧而蘇州而嘉禾以達海鹽本籍就家設奠中間輾轉長途舟車互運執事者奔走倉卒應接不暇因之輓章遺失實多茲就其存者依受件先後爲次彙爲一編謄印之訛奪在所難免惟閱者諒焉至弔唁函電文繁概不錄載編者識

朱興武哀輓錄甲編

公文

黎大總統令


民國五年八月九日

前興武將軍督理浙江軍務朱瑞當民國肇造之際艱難赴事功在國家嗣於浙江將軍任內綏靖地方軍民翕服中年瘁疾屬望方長溘逝驟聞深爲惋惜朱瑞著交陸軍部照陸軍上將例從優議恤以旌往績此令

陸軍部呈文

呈爲遵令議卹事本年八月九日奉

大總統令前興武將軍督理浙江軍務朱瑞當民國肇造之際艱難赴事功在國家嗣於浙江將軍任內綏靖地方軍民翕服中年瘁疾屬望方長溘逝驟聞深爲惋惜朱瑞著交陸軍部照陸軍上將例從優議卹以旌往績此令等因奉此查該督理朱瑞勳績聿昭此次積勞身故詳加覆核與陸軍平時卹賞暫行簡章第四條在軍營立功後病故給卹之規定相符擬從優照平時卹賞表第二號上將階



級給與一次卹金七百元並請特給治喪銀二千元於其靈柩回籍時飭知沿途地方官妥爲照料以示優異而資表彰是否有當理合具文呈覆伏乞鑒核示遵謹呈

陸軍部咨直隸朱督軍文

案查前興武將軍督理浙江軍務朱瑞積勞病故本年八月九日奉

大總統令交陸軍部照陸軍上將例從優議卹等因當經本部核議照上將積勞病故例給予一次卹金七百元並特給治喪銀二千元其靈柩回籍時著沿途地方官妥爲照料以示優異卽由該部轉行遵照此令等因除分行外相應粘抄原呈並頒發一次卹亡金執照一份咨行查照飭知該故上將家屬具領並希轉飭一體遵照可也此咨

直隸朱督軍呈文

呈爲興武將軍朱瑞病故津廬臚陳勳績請予褒卹仰祈鈞鑒事竊據天津縣知事姒錫章呈稱前興武將軍督理浙江軍務朱瑞年三十八歲因患氣喘等證來

津就醫未能見效於本年八月三日病故廡所呈請核咨等情家寶查勳二位陸軍上將銜陸軍中將一等文虎章一等嘉禾章興武將軍朱瑞係浙江海鹽縣學附生南洋陸師學堂正科畢業歷充浙江參謀處差使調充安徽督練公所參謀處提調創辦陸軍測繪學堂薦充浙江陸軍標統軍紀嚴明士卒敬愛辛亥秋浙江起義公推督師出定南京維時南北之界未泯意見歧出特組織參謀團聯合各省統兵長官力謀統一厥功甚偉民國成立擢第五軍軍長特任爲浙江都督兼民政長時當改革之後軍隊林立財用匱乏一面裁減所部萬餘人年節餉糈二百數十萬一面整理收入嚴剔積弊由是省政則次第舉辦中央則按期協濟數年以來推廣學校振興實業事事刷新將來收效宏遠可以預期坐鎮雍容實不愧一代儒將之選癸丑夏秋戰事發生鄰省多罹兵燹獨力支持勞瘁過甚猶復力疾從公督率所屬嚴守疆圉全境晏然事平以後實行主持軍民分治主義請免兼職三年奉令特任興武將軍督理浙江軍務遂一意簡鍊軍旅保境綏民勳績昭然久而益著本年當四方俶擾之時謀一省安全之計乃不惜讓權引退

維持地方原有之治安慮患既深顧全尤大謝事而後因南方氣候於病體不宜假館津門勉圖休養不意積勞過甚遽爾不起伏念當官之責以父安疆土爲最先風世之方以獎卹勳能爲最捷家寶前任皖撫時曾調該將軍充安徽參謀處提調創辦陸軍測繪學堂見其英資卓犖心地光明早已心焉契之適會改革之初建樹尤偉及督浙以後益佩其謀國忠勤治軍嚴肅同袍之雅許與無窮今茲奄逝津門親往弔奠英年摧折實爲天下惜之合無臚陳勳績仰懇

大總統飭下所司給予優卹并將該將軍所立功業宣付國史館立傳之處出自鈞裁除分咨外伏乞

大總統鈞鑒訓示謹呈

浙江呂督軍電呈

北京大總統國務總理鈞鑒前興武將軍朱瑞當辛亥癸丑兩役躬任艱鉅爲國宣勞此次浙省獨立引疾棄位息影津門猶時以綏靖地方維持大局貽書誥誠現聞病歿津寓風徽已往口碑猶存崇德報功宜彰盛典應如何優予贈卹以旌

前勞之處伏候鈞裁呂公望歌

朱興武哀輓錄甲編終

哀輓錄甲編

哀輓錄甲編



朱興武哀輓錄乙編上

輓聯一

黎元洪

生有奇勳肩半壁

沒齋壯志惜中年

馮國璋

早歲讀韜鈴 刼換青羊一代將才媿休穆

大功在桑梓 濤迴白馬千秋廟食配靈胥

段祺瑞

國本不搖江介英風猶在眼

將才難得海天何處與招魂

許世英

處危疑震撼之交才過越石

竟憔悴憂傷以死慟失長城

陳錦濤

棠菱故鄉留浙水寒潮遺愛淚  
雅歌餘韻在春秋博士治兵家

殷汝驪

韜略重名儒碩學何慚杜元凱  
東南關大計論功終數霍嫖姚

鈕傳善

大局奠共和五載勳名光越乘  
台星摧上將萬家涕淚灑秋濤

章宗元 章宗祥

半壁峙江天開國功名終不沒  
中年返箕宿故鄉父老有餘哀

那彥圖

艱苦不辭忘軀爲國  
勞勩卓著遺愛在民

李經羲

把臂惜無多湖墅金樽醇醪深痛賢都督  
成功從此逝江湖鐵弩靈旗如見故將軍

江朝宗

以隻身砥柱橫流緬公偉略雄才豈徒萬姓歡騰三軍令肅  
念數載綢繆交誼使我含悲墮淚惆悵錢塘月冷津海風淒

段芝貴

於越收破壞建設之功絳灌隨陸能武能文忽驚殂落中年  
溯此地棲遲往事待千秋論定  
與我有縞紵金蘭之雅元伯巨卿一生一死正值艱難大局

想故鄉飛渡夜潮挾十萬軍聲

吳炳湘

霖雨起之江白鹿風高往績不居思大樹  
將星沈碣石赤虬天降壯年竟隕痛長沙

張鳳翽

碩望震華彝緯武經文勳業允宜崇一代  
書生作將帥補天浴日謳思豈僅在三吳

徐紹楨

沙場猶記同袍澤

民國何堪失棟樑

蔣作賓

請纓早歲持節壯年福壽在賈顏以上  
虎踞浙東驢騎湖畔勳名居韓岳之間

藍天蔚

一戰功成已是垂名不朽  
隻身高蹈那知與世長辭

金永炎

邁志歷重洋回憶海國琴尊月且爭推良將選  
殊勳安兩浙詎料津門風雨星郵永斷故人書

蔣雁行

擁麾仗節奠東南矢報國心抱擎天志歎英年卓犖遽赴泉  
臺自是千秋恨事

偉略豐功播中外奮投筆願揚專閫名緬開濟經綸早銘册  
府允推一代完人

劉之潔

紫陽代出英雄提義師共造中華回首金陵飛彈雨

公瑾早年殂謝豈名將都無上壽傷心溟海隕台星

蔡成勳

家學紹真傳追思儒將風流不愧紫陽苗裔  
共和與有力記取鄉評月旦付與青史論衡

魏宗瀚

浙杭千里風俗多文得將軍崛起其間凡選士訓兵強同西  
北

南 疆電一聲河山俱黯慨時局需才孔亟何驚濤駭浪星隕東

丁傳紳

慨茲五稔兵燹徧被東南明公慮患獨深不使湖山罹浩劫  
如假數年大雲且雨天下造物忌才何酷愴懷邦國少英雄

王正廷

勳名留建業定國以勞偉績千秋垂不朽  
遺愛在之江惟公能讓苦心孤詣有誰知

蔣邦彥

似淮陰傳檄定三齊戎馬倉皇迴思上將登壇賴柱矗中流  
天擎半壁  
較公瑾行年少二歲英雄夭折堪歎析津歸櫂正霜寒歇浦  
潮咽錢塘

蔡寶善

壯歲總師干君如公瑾登壇何其英發  
重來增感喟我愧延陵挂劍無限淒涼

于寶軒

霖雨溥之江辛苦五年神筆紆籌勞上將  
大星沈渤海蒼涼一夕同袍灑淚哭英雄

鄭言

石頭橫梁天目揮戈大哉有造民國  
績載旂常功流桑梓偉矣無愧斯人

徐恩元

匹馬橫戈威揚江表

秋風落木悲動津門

金保康

四海尙風塵雅度獨傾羊叔子

千秋餘涕淚奇勳終數霍嫫姚

湯襄

行陣變風雲翠蕤霞旂江表從軍樂莫樂  
靈旗光日月青霜紫電海角招魂歸未歸

邢端



反正有功撥亂有功功在國家熱血一腔餘戰壘  
辛亥不死癸丑不死死死於今日寒潮終古咽滄江

胡龍襄

平生功業自足千秋那堪驛使銜書竟說騎箕天上去  
當世英賢又弱一個惟恨都門滯跡未能執紼道旁來

殷學潢

大樹竟凋零溯從前會稽屯兵想見褒公毛髮動  
邊疆正危迫但說到錢塘軼事難忘祈父爪牙才

陳虹

大功在國大德在民同學幾青年如公能當天下的事  
處常有爲處變有守英雄遽黃土令人怕聽浙江潮

雷壽榮

輕裘風度倚馬才華三十任封圻四海傾忱推偉器

大樹飄零將星隕落一朝傳噩耗九州痛哭失長城

史久光

凱歌奏天堡城頭使百世垂芳爭傳豹略龍韜公爲功首  
大星墜子牙河上正萬方多難遙見素車白馬我獨傷心

鶴春

偉績永不忘長留姓字馨香明月中天驚噩耗  
將才難再得試聽鼓聲嗚咽秋風大樹痛凋零

袁得亮

展經邦濟世謀猷應使中流留砥柱  
際歐雨亞風時代頓教當世失干城

丁慕韓

歷五載而成將業  
何一朝竟作古人

蘇錫第

析木將星沈帳下健兒齊灑淚  
甘棠民愛在湖濱遺碣有餘思

史履晉

憶隔年沾水停車杯酒聯歡握手痛談天下事  
歎此日海雲變色將星遽隕招魂悲咽浙江潮

何錫蕃

奇勳溯辛亥癸丑以來曠典疊膺詎壯歲挂冠上將星沈津  
海月遺愛與天目西湖俱永大名不朽正追思墮淚秋風波撼浙  
江湖

劉錫齡

本衛鄉而保國梓桑不驚壯矣三千弩在

特遷地以養疴參苓罔效悲哉十二雲寒

周超

賡試鐙風雨之詩回首六橋春去  
繼射弩英靈而後傷心八月潮來

黃贊熙

杯酒談兵至今幕府山前合有豐碑同墮淚  
尺書絕筆在昔本初絃上獨多讜論足匡時

賈賓卿

風雨蓄雄韜數年來浙水屏藩立馬羣欽古名將  
憂勞成痼疾一月餘津沽養晦騎鯨忽賦大遊仙

楊雲峯

一代英名留越國  
六軍痛淚灑津門

范熙績

功在國家澤流桑梓  
神歸天表姓著旂常

葉樂民

左海夢回波浪闊  
之江湖咽大星沈

王秋

軀壳死精神不死  
姓名香骸骨尤香

朱家寶

公瑾數同奇歎極天海浪奔來洶不盡英雄遺恨  
錢王祠尙在看今日吾宗繼起留無限父老謳思

秦毓琦

幕府昔追隨傷心丁字沾前病榻不忘安國計  
湖山曾保障回首錢塘江上歸魂空聽怒濤聲

袁際鳳

百里愧無才謬許士元參薦牘  
平生哭知己難忘皖伯共登臺

唐啓堯

天日表初心浙水中流資砥柱  
將星沈大野皖江共濟憶同舟

李堯楷

五載奠鄉邦非常事業留青史  
一坏埋壯志自古英雄少白頭

魏業箝

戰績在江南千古媿隆曹武惠

將星沈冀北三軍齊哭霍嫫姚

楊善德

毛奇功就盧梭論行中外抗衡英範絕倫成永訣  
管子才高賈傅命短古今同軌雄風未泯有餘哀

王廷楨

霖雨徧錢江危局獨支峴首共懷羊太傅  
客星落冀野大名不朽壺頭永奠馬將軍

朱熙

昔共下堅城豈圖分道揚鑣一別無緣親李御  
近聞避賢路太息蓋棺論定盡人墮淚訪羊碑

王桂林

統六師以奠定共和家訓秉文公學有淵源投筆原爲天下  
計

未十稔而飛騰顯要奇勳追武肅功垂竹帛關弓曾射浙江潮

楊 晟

知可而進知難而退俾斯民衽席咸安無愧古之遺愛  
先天下憂後天下樂歎異地沈疴不起竟同楚些招魂

王莘林

甘興霸早歲能軍聽西泠輿誦東浙潮聲蕭颯颯靈旗悵望  
豐碑齊墮淚

周公瑾壯年不祿歎津樹雲淒海波風冷勳名懷上將傷心  
故里正招魂

蘇 謙

五載任疆圻艱鉅軍民翕服鄉里蒙庥回首憶前游講學掣  
經白下祖鞭欣早著



一身保時局安全功在國家名揚中外驚心傳噩耗棖崩棟  
折紫陽宗系嘆凋零

葛應龍

有功不伐成功不居苦戰共鍾山當年早識英雄氣  
仗義而興盡義而死勛猷隆浙水此日應傷父老心

趙會鵬

墮淚有遺碑祇今過西子湖邊三竺六橋賸有英雄事業  
招魂向何處惟相奠姑蘇道上隻雞斗酒益增故舊愴傷

沈守仁

仗鉞定大江南北乾旋坤轉爲國干城當不讓漢霍嫖姚唐  
李元直

建牙鎮浙水東西武緯文經斯民保障洵足追晉羊叔子宋  
寇萊公

王引才

君方武肅

我愧文中

史光書

東南列郡血肉橫飛盡疆吏苦心兩浙獨留乾淨土  
功罪疑團死生賚恨料史官直筆千秋終有定評時

章保世

爲大局哭君私交猶其後也  
痛斯人不壽天道又安在乎

龍驤

淮陰有國士風保東南以奠中原力奪石頭功獨最  
諸葛爲天下重聞鼓鼙而思將帥未登峴首淚先揮

恆璋

遺愛徧東南，噩耗飛來丁沽口。  
奇勛昭簡冊，悲聲撼作浙江潮。

高翔

壯志復中原，不愧家聲承舜水。  
苦心全兩浙，允宜廟食配桐鄉。

杜錫鈞

治越富經綸，未許豐城噓劍氣。  
迴瀾思砥柱，不堪江畔聽胥潮。

李厚基

與吳越王後先相望，其生也榮其死也哀。  
遺愛在人，墮淚碑成同一哭。  
視永嘉侯出處懸殊，知可而進知難而退。  
潔身歸國，蓋棺論定足千秋。

沈銘昌

畫錦盛賓朋左席每慙虛借箸  
籌邊思將帥中年何意厄良材

朱善元

當東南半壁兵火連天曹魯公秉鉞而來俾全浙百萬生靈  
得脫却紅羊浩劫  
正塊莽中原將星隕地錢武肅豐功莫竟恨捍海三千士卒  
未射回白馬狂潮

孫世偉

辱國士之知無可報君惟一痛  
賈大志以沒忍將往績論千秋

李蒙滋

五載作干城手奠湖山胸羅兵甲

中流摧砥柱鶴歸華表鷓泣津橋

查厚基

澤留桑梓手奠國家青史勳名上將遠  
望重雲霄痛深風雨黃墟涕淚故人多

俞家驥

五載展勳猷湯湯浙水流長人歌飲德  
平生感知遇黯黯津門雲斷我賦招魂

戚揚

就吾鄉歷數英雄爲國爲民髣髴錢鏐心事  
歎現世忽成泡影斯人斯疾歎歎公瑾年華

吳金彪

挂劍無由自顧深慙季子  
橫流正急天胡遽喪斯人

陶家瑤

偉績越中傳  
峴首爭懷羊叔子  
大星沾上落  
鎮南空憶杜將軍

曹應鈞

繫全浙於一身  
隻手奠鄉邦  
青史偉人曾有幾  
招歸魂兮千里  
哭聲震薊野  
白頭名將本無多

俞懋鼎

勳業媲霍嫖  
姚憶羽檄遙傳  
華夏始張炎漢幟  
謳思同錢武肅  
悲將星忽隕  
中秋誰射浙江潮

周怡暄

有名將風有名儒  
風遺愛長留碑碣  
紀功湯沐地  
爲吾國哭爲吾民  
哭斯人不起湖山  
增痛鼓鼙聲

王鑄人

五年來利國福民進退繫安危無限恩波縈浙水  
千里外救災恤難涓埃虛報答空將血淚灑津門

楊慶鋈

具天下憂樂在秀才時識者知有遠志  
富胸中甲兵號萬人敵惜乎未竟大功

劉毅

民國數元勳白下聯軍如昨日  
津門聞噩耗清湘無際想英風

王孝椿

是天上將星小謫塵寰數年來望重龍驤動高麟閣  
本浙中名士倏歸閬苑億萬姓悲深薤露淚灑松門

張壽鏞

感遇勉持籌兵後培元薦牘忝叨北海鶚

傾心甘執贄天涯聞訃唁書忍託武昌魚

鄭永禧

往蹟猶存望吳山峯頭立馬  
餘哀未斷聽天津橋上啼鵑



朱興武哀輓錄乙編中

輓聯二

沈曾植

有徐王不忍人心鶴表故鄉歸風馬雲車冤親平等  
傍晉代築耶廟貌牛眠佳壤卜神絃衢祭部曲悲懷

徐定超

統全浙軍民十一屬之多威立恩明七鬯不驚稱樂土  
繼五代武肅千餘年而起功成身退湖山無恙忽騎箕

孫寶琦

桑梓抱深謀嘗膽臥薪壯年衛國身先瘁  
湖山餘舊夢引盃看劍隔歲談兵淚未乾

俞明震

安危策萬全對桑梓可盟天日

榮枯無定在有英靈來捍江湖

朱福詵

忘身爲國保境息民會看坡老高文猶是表忠錢氏觀  
立策濟艱愛人以德實拒董昭異議不同受禪魏家壇

吳品珩

締造國家著精神之武  
維持桑梓留功德於民

林丙修

忝附梓桑太息上台星遽隕  
未親儀範感深大樹蔭長留

陸懋勛

偉績溯當年率八千士卒同復山河浙水久叨仁宇庇  
苦心維大局俾億萬生靈免罹兵革析津遽痛將星沈

邵章

蔣山羽檄浙水牙旗遺愛在鄉閭炳耀丹青鹽邑志  
峴首輕裘江東折戟招魂從客邸淒其風雨薊門秋  
袁之球  
皖浙同游空尋短夢  
國家多難遽奪長城

王燮陽

君且如斯世事何堪設想  
我已老去今生應作散人

又

公秉政我歸田自愧無功報知己  
壯竟亡衰仍在敢云後死是勞人

盧世儀

共和新人物作保障於兩浙東西頻年爲國宣勞允推旭日  
方昇汗馬勛名開甲第

望海舊家聲曾奏凱於大江南北今日成功告退詎料將星  
遽隕騎鯨消息冷丁沾

金秉理

記曾奏凱還鄉西子湖邊爭看洗馬  
倏爾涼秋落日天津橋畔忍聽啼鵲

韓藩

功績勒河山方召大名垂宇宙  
鼓鼙思將帥枌榆遺像肅清高

沈善謙

浙水倚長城遺澤在民公本竭誠謀國事  
津門傳噩耗秋風歸櫬我來掬淚弔將軍

俞大純

率八千子弟轉戰江南回思締造艱難馬上功名真不朽  
侍六十衰翁遨遊湖畔太息英雄長逝眼中人物竟何如

陶政

痛亡兒又弔先生天命慨無常兩浙潮聲同一哭  
屈名士而爲良將鄉邦期永賴滿腔碧血竟千秋

張伯楨

幼習軍學長綰軍符成敗何常究不愧第一流軍長  
姿本英明性復英俊死生無間允足推現世紀英雄

謝雪

三五年卓建奇勳全浙榆枌北望燕雲猶愛戴  
十一屬長留餘蔭滿城風雨南歸廣柳太悲涼

汪欽

偉勳蓋世德不永年大樹痛飄零爲溯英靈瞻北斗  
宏獎過情言猶在耳散材仍瓠落空餘涕淚哭西州

田世澤

張我浙軍名一戰武功垂不朽  
守茲生長地四年將略在無爲

嚴本善 嚴本新

持危定傾所全實多偉績樹東南豈因食少事繁病劇武侯  
同一蹶  
避賢讓能至死乃見苦衷質天地惟惜功成身去年逾顏子  
未三週

袁永廉

德澤被枌榆看頻年矢志戡時羣欽武緯文經遺愛桐鄉留  
血食

艱危資柱石痛此日養痾息影詎料星沈霧暗歸魂浙水壯  
濤聲

葛文濬

少小識奇才虎頭燕頰果奮功名五載河山資保障  
去留關大局白日浮雲徒饒謗議千秋弓劍泣英雄

譚日森

後武肅千餘年崛起偉人功在國家月旦無私新總統  
合全浙十一屬常留遺愛感深桑梓雲臺如見故將軍

方於笥

十五載忝許知交投筆効從戎欣看露布石頭復我山河光  
漢族

數千里遙傳噩耗長才悲短命悵望星沈津口惱人風雨失  
良朋

孫燿祿

賢者本多勞爲國爲民倘地下有靈莫再身於亂世出  
英雄難奪命斯人斯疾悵天涯永訣未親手執牖邊來

徐鶴齡

天難知人亦難知何竟覆雨翻雲以怨報德  
帥可奪志不可奪卽此愛鄉護國雖死猶生

倪葆恆

具文武才崛起偉人生而應運沒亦全名易水白衣冠慷慨  
悲歌齊一哭  
爲東西浙支撐危局進則圖功退尤弭亂吳山舊疆土英雄  
時世總千秋

勞動餘

車笠十年盟浙水波濤悲白馬



音塵三載別津橋風雨感啼鵲

張志純

自江寧奏凱而還駐節滬濱聯床話舊督兵浙土詢事考言  
世局共關懷數載彌深知遇感  
當國步艱難之會潮流疊起坐鎮雍容精血隱傷亟思退讓  
津門傳噩耗萬民空弔旅魂歸

王鏞

義旗舉天堡城頭赫赫功高五載南邦資砥柱  
客夢斷津沽橋畔悠悠水逝三秋西浙返英魂

鄭銜華

七二沾遵時養晦外嗟蒿目內切杞憂料此時真宰南旋鶴  
表定依舊城郭  
十餘年如水論交忝共枌鄉叨陪蓮幕記往歲雄師北伐龍

韜咸仰故將軍

吳清

治譜衍朝歌五年來報稱無才愧我蹉跎沈下吏  
威楞揚海表一刹那避賢遽退識公終始保鄉閭

董哲薌

從之字江邊到了字沾邊灑淚應隨東海遠  
是古來名將亦近來儒將招魂忍賦朔方歸

盛同枝

百戰奪金陵江山再造  
四年鎮越國鐘簷無驚

方於桷

建節鎮錢塘看鐵弩回潮猶憶運籌安浙右  
豐碑留峴首正金風隕籜忍聞哀笛起山陽

朱寶衡

立功在天堡城頭摯誼難忘尤欽保障之江凡屬維桑同敬  
止

養疴到中條嶺畔仔肩纔卸還冀匡扶危局那堪大樹竟摧  
枯

楊祖謙 何如錯

名將尙英年何堪撒手西歸建業前勳付流水  
奇才難再世遙想招魂南返浙江餘恨作秋潮

蔡鎮瀛 董秉銓 吳天放

汗馬立奇勳五載東南奠磐石  
金龍留斷簡一秋風雨黯湖山

何翼然 陶熙光

用墨子術攻白下城將軍從天上飛來於槍林彈雨之間拔

幟先登民國功勳推第一  
以文苑才兼兵事學平生呼龍中知己值波譎雲詭而後引  
身早退故鄉聲望允無雙

朱其鎮

戰績巍巍天堡壘

秋風嗚咽浙江潮

趙炳

日麗湖山隻手奠東南半壁

雲寒渤海同胞失砥柱中流

王景春

功在國家允矣干城之選

胸羅兵甲惜哉儒將云亡

屈映光

提攜誼切靡役不從溯數年甘苦共嘗病骨猶維天下事  
離別緣慳有懷莫白但自信死生無負交情期在古人間

呂公望

率旆共馳驅憶昔從軍聞戰略  
貽書勞誥誠痛公垂死念鄉閭

童保暄

平吳振旅鎮越綏民汗簡紀殊勳應共錢王尊祀典  
客邸啼鵑故城歸鶴同袍悲往事還慚宋玉賦招魂

胡思義 馮汝良

平吳著績保越垂勛劫火徧中原獨留無恙湖山樂土祇今  
談父老

洗甲初歌騎驢未遂寒風摧大樹悵望歸來軒紉故鄉何處  
葬將軍

溫世珍

犧牲一己

衽席斯民

陸錦

儒將自風流當時裘帶雍容惟甚願海水無波江山永秀  
英雄今溘逝此後史笈論列應太息共和再造偉人不年

林鷗翔

在浙則保浙去浙則猶念浙  
愛公者哭公忌公者亦敬公

王文慶

天保城一戰成功使吾浙健兒永播英聲於南北  
羅刹江五年坐鎮聽此間輿論猶留遺愛在湖山

謝昌墀

激水毓奇才翊贊共和有經有緯溯數載湖山坐鎮軍政成  
賴運籌偉績到今稱棠遍流甘思召伯  
狂瀾資砥柱維持大局不激不隨看他省風鶴頻傳浙境獨  
臻安堵將星驚忽隕碑遺墮淚痛羊公

陳毓璿

當年擊楫曾許同仇與我談黃石韜鈴胸看五載風雲劫後  
建牙重話舊  
此日蓋棺應昭定論惟公棄緇塵軒冕猶憶三春烽火功成  
解甲竟仙遊

胡文藻

在軍支滄桑之局在國紓柱石之材數來當代偉人一幟雄  
風開浙水  
論同僚最荷其知論元勳未竟其志誦到中樞卹命千秋遺

恨滿津門

丁紹瀛

偉烈著丹青有戰功有治績  
苦心堪表白爲桑梓爲國家

汪瑩

將軍大去壁壘依然十一屬舊部森嚴猶能談天堡馬羣故  
事  
雄鬼有靈家山念否三千里征車嗚咽僅載得燕臺駿骨以  
歸

金華林

督浙近五年以一身繫東南半壁安危成敗本尋常留予南  
董史書再成定論

別公剛幾日正大局如江海萬流澎湃津沽傳噩耗對此西



風落葉不盡悲思

葉頌清

袍澤十年親事往神留北海孤雲憐我在  
鼓鼙千古壯身輕名重西湖秋水識公深

官成鯤

擬勳名於錢武肅并足千秋偉績焜煌青史定評他日事  
較壽算於岳鄂王尙欠一歲華年凋謝白頭名將古來稀

艾忠琦

兩浙託安危憶師捷江南蓋世功名誰抗手  
橫流方潰決痛星沈薊北憂時涕淚一沾膺

陳蔚

八月廣陵潮捲地風雲讓公先挽星旗倏忽登壇稱上將  
三年邊塞路漫天埃壒嗟我遠羈雪嶺淒涼剪紙弔英魂

柯森

經紛紜事變以還功歸有史  
竟艱難締造之緒責在同袍

潘國綱

政敷兩浙功震三吳勞瘁殞天年賦恨慚無江令筆  
公遜宗邦我歸海外參商成永訣招魂忍續楚些辭

徐樂堯

六載相隨一朝永訣死生患難本尋常別有傷心難說  
西湖月冷北海風淒成敗是非何足數從今往事休題

葉煥華

憶昔隨旌還浙歷盡困苦艱難看一現曇花浮生若夢  
比公養病赴津勘破是非利害聽幾聲薤露萬念皆灰

許耀

天道無常痛賢勞竟死於客  
中原多故惜仁愛未能化人

胡維棟

識公憶丙午而後談兵鍾阜策馬宜城蓮幕更追隨舊雨十  
年春夢短  
成名在辛亥之秋江上軍聲浙中治譜梓桑同感戴奇勳千  
古越山高

湯心存

大江南北著軍威憶當年豹變鷹揚如茶如火誓師白下洗  
馬明湖英氣凜然存至今楚尾吳頭猶話孫郎遺事  
兩浙東西留政績任世界雲翻雨覆無黨無偏爲保治安寧  
捐權利人心倘未死應有樵歌漁唱追懷武肅生平

章祖衡

津海月秋明淒涼蒿里松門功業未完新宇宙

浙江潮夜湧想像素車白馬英靈來護舊湖山

邱志龍

皖江並轡浙水參戎左挈右提詎生離卽成死別

辛亥戡甯癸丑鎖越文經武緯何短命厄此長才

葛敬恩

念蒯通相背之言易箠微聞公有悔

講孫子談兵之學撫刀深愧我無才

葉頌賢

主激烈爲救時主和平爲保民公之苦心自有後人評曲直

於辛亥能反正於癸丑能撥亂我原愚戇敢隨俗論共推移

吳斌

十載沐深仁一別難逢悲後死

九原如可作重來應許導前驅

韓尙文

言志憶一堂同是少年三十登壇能有幾  
傷心竟千古丁茲危局生平知己慨無多

潘 竟

浙海潮來淘不盡英雄遺恨

津橋月冷忍聽他杜宇悲啼

來偉良

惟英雄斯應運而生安漢勳高白馬封符周勃  
論時序則成功者退泛湖跡杳黃金合鑄范蠡

朱 培

會師鍾阜建節之江列隊親聞古兵法  
天不永年人懷舊德萬家齊哭故將軍

鄒可權

一舸全勾踐山河飄然竟作冥鴻去  
再世問令威城郭淒絕難爲化鶴歸

白觀圭

北瞻薊水大將星沈奪公瑾以華年天胡不弔  
西望聖湖紀功碑在與武肅而終古魂兮歸來

郝國璽

一戰定神州斧鉞動名垂宇宙  
三軍迺歸櫬旌旗慘淡動湖山

王銳

越州小別忽已六年方欣保國衛民常資砥柱  
燕塞閒居竟成千古剩有豐功偉烈永奠湖山

包煥庚

五年來國是未寧，溯雄鎮一方，剩有殊勳垂兩浙。  
千里外將星忽隕，當共和再造，應無遺恨到重泉。

歐陽榘

功過付公評，問湖天水鎮金牛，誰爲健者。  
死生持大局，看江上潮迴白馬，如見英雄。

蔣西平 張焯 何葆森

愛日記曾依，頻年爲國宣勞，緩帶輕裘同仰望。  
將星驚忽隕，此際臨風墮淚，素車白馬賦招魂。

潘百勳

共事矢同心，當年血戰金陵，功繼錢王保障，湖山留舊澤。  
積勞成痼疾，此日神歸瑤島，風號燕塞，淒清笳鼓泣新秋。

方春華

舉足繫大局，安危功罪千秋，憑史筆。

撫躬愧舊時部曲關河萬里賦招魂

斯良

渤海魂歸遽悲朝露

錢塘潮怒猶想雄風

黃爾甲

爲神州謀光復躬親戰陣手造共和憶曩時建業城頭殺賊  
酣呼天塹曾傳漢飛將  
使轄境享太平整我戎行卹彼民隱想此日錢塘江上替人

鳴恨濤聲猶咽伍胥靈

林競雄 吳秉元

一片誠心薄海羣推羊叔子  
百年恨事吾曹頓失范希文

曾宗魯



公論在千秋忍聽他嗚咽潮聲洶不盡英雄遺恨  
功名垂兩浙願此後敬恭桑梓永毋忘武肅流風

奚駿聲 徐康聖 賈連城 楊恆 張剛

張樂俞 蟄

公真民國偉人再造湖山直登鍾阜東西浙五年坐鎮求艾  
方殷迄今讖兆龍躔遺愛殊勳同不朽  
我昔軍前效命偏師內應整旅環攻南北戒數月調和如茅  
斯拔此際耗傳雁足感恩知己倍難堪

程恆式

功著三江德敷兩浙  
星沈東海月冷西湖

周斌 陳士龍 邵廷標 黃贊華

官爲輕民爲重毅然捨之以去

生而英死而靈魂兮盍歸乎來

沈詒昌

擁共和以奠神州備歷艱虞作東南之砥柱愴此日典型具  
在浩氣常存彪炳著勳猷功業昭垂新國史  
尊法治而分權界力求上理樹模範於鄉邦憶當時鞅掌戎  
機控扶政局捫心感知遇夢魂縈繞舊湖山

謝祖康

天保城拔幟先登五載相隨愧未涓埃報知己  
武林山挂冠遠去萬方多難忍揮涕淚哭元戎

劉恩沛

五年治越兩月平吳半壁奠東南不待蓋棺公論定  
白面書生黑頭卿相中原聽鼙鼓那堪隕地將星沈

項雲舫

砥柱夙稱名退讓爲懷望高大樹  
華年竟賈志治安遺稿哭斷長沙

楊星生

建牙浙水立馬鍾山赤手整乾坤信史允當昭定論  
世變方殷斯人長逝蒼生失霖雨哭公不獨感私恩

徐士鏞 林蔚

弔古石頭城蘆葦蕭蕭一片荒煙尋故壘  
愴懷漸江水波濤渺渺滿腔心事託秋潮

魏吳光

避地養疴讓賢遠引客星落冀野天厄英雄數千里旅櫬歸  
來碧海無涯悲父老  
同袍七月部曲三年血戰下金陵功在軍國迄今日回頭是  
夢青山何處葬將軍

蔣可宗 陳景烈

渡塹將能飛拔幟一軍驚白下  
橫江人墜淚射潮萬弩咽錢塘

李繩祺 顏頤

溯天保城拔幟先登從知撫輯瘡痍豹略領雄藩幸備藥籠  
參末議

自浙江潮洗戈不用未忍重驚七鬯鴻飛遼遠渚空瞻河鼓  
黯橫津

陳光燿

戰績冠東南整頓江山論古略同曹武惠  
豐功被吳越保全桑梓去思應媿寶河西

汪希

俱是避風塵正憶往時嚴僕射

空餘老賓客共迎中使望鄉臺

張嘉森 張嘉璈

爲功首不爲禍先坐鎮湖山自有勳名垂竹帛  
篤私交兼篤公誼從容幕府愧無籌策答弓旌

張 栩

名隳於辛亥而克完隳於癸丑而又完隳於丙辰而完不完  
未可知公道本強權死者長已矣生者當自念也  
浙有一軍長而能安有一都督而愈安有一將軍而安不安  
正難料人心多變態救國聊復爾亡國寧忍見之

陳 邁

遺愛在鄉邦此地有武肅崇祠誰是論功堪配饗  
推誠待賢士愧我抱廣陵絕散更從何處覓知音

林之夏 袁榮燮 諸宗元 余名銓

恆幹竟中摧公誼私情同隕涕  
豐功應不朽戡寧安浙總推君

王葆楨

病榻避羣囂身外寄身脫劍驚聞大化去  
樵柯忘已爛局中變局看棋逆料後來難

又

功罪是非至蓋棺尙難定論  
利害去就在當局獨具苦衷

諸以仁

獨捍衛梓桑間追維吳越遺威江國澄清憑鐵弩  
曾馳驅縶韉後怙悵桓公舊客海天慘澹拜靈旗

徐陳冕

中原敘匡復元勳到此猶留燕市骨

襟上有英雄餘淚而今都付浙江潮

陸慶楹

保障湖山天柱峻

飄搖風雨將星沈

王盛麟

梓鄉開府竹帛銘勳長留兩浙去思遺愛在人懷秦斗

津門養疴將星匿采回憶三年優遇感恩知己泣秋風

諸夏

時勢英雄功真不朽

故鄉遺愛民莫能忘

黃恩緒

偉業遽中摧爾雅溫文翩翩當世周公瑾

不才亦同病悲歌慷慨落落窮途阮步兵

陳翰

公安往乎不堪話鍾阜劫灰錢塘逝水  
竊滋痛矣只賸得津門吊影浙海歸艎

方邕

觀兵鍾阜開府錢江記千里追隨秉筆佐軍書細柳營中聞  
將略

養疴滬嶠遊仙津海感五年知遇束芻虔奠舉紅蓮幕下哭  
公靈

陳銘

憶千里追隨大纛凱旋蔣阜節駐吳山命世仰公才自愧濫  
竽參末座

閱數年襄贊軍書越幕簪毫津門執紼長途增客感那堪磨  
盾吊重泉



汪濤

憶我公北征徐宿南略秣陵爲武漢聲援半壁陣雲橫協力  
定中原全局  
愧鯁生近附梓鄉遠依蓮幕念湖山坐鎮六橋秋水冷傷心  
隕大將一星

周祖謀

回首共五年患難從白下到明湖閒聽載道口碑寰海同聲  
生佛誦

隻身繫兩浙安危本純儒作良將忍見乘風羽化津橋一夜  
客星沈

吳克潤

後顏子二歲而亡政績軍聲梓里尙留來暮頌  
先立秋五日以去風號雨泣津門猶有未歸魂

金慕萱

鴛湖月朗聯袂談心當年硯筆追隨曾記西窗同剪燭  
鯨海波橫乘槎避地一霎鼓聲闕寂自慚南郭濫吹竽

孫朱禧

五稔贊軍書掌記司鈐傾聽歡歌騰兩浙  
千秋傳史牒報功崇德闡揚懋績慰重泉

王鴻鈞

誓師白下立馬吳山隻手障狂瀾開府東南資柱石  
隨幕五稔同門二稔回頭成幻夢歸槎風雨吊江湖

裘紹

以身許國遑問其他記曾戎馬追隨親聆偉略  
濟世需材斯人難得何遽騎鯨遠去痛失長城

沈爵

知己在一言廣廈久叨寒士庇  
相違如昨日海天忽報大星沈

蔡鼎彝 趙南

大將星沈此後何人坐鎮東南資保障  
中原雲擾吾生無術側身宇宙望昇平

周鐵英

中天懸明月

前軍落大星

廖家駒

戰績著金陵公自大名垂不朽  
將星沉易水吾儕小草痛何依

薛炯

東南開府曾幾何時那堪烽火相催別去湖山悲寂寂

風雨同舟恍如昨日豈料滄桑易變更從易水咏蕭蕭

余憲文 項 聰 張效巡 劉 蔚 商應時

喻銘勳 陸潤康 趙鳳藻 楊國樑 林海青

管 籥

締造中華爲民國

飄零大樹泣將軍

汪以鈞

終古湖山留偉績

滿城風雨迓歸魂

霍 銳

生死聽之於天記慷慨談兵喋血猶留磨盾錄  
是非久而乃定溯湖山遺愛冶金應鑄故將軍

張 鏡 吳昌齡 俞 同

戎幄備微員愛日常依共仰動書民國史  
津門傳噩耗大星遽隕空教淚墮峴山碑

胡天翼

萬里長城如今已壞

兩浙保障繼公者誰

錢渭清 孫雲澄

白下建奇勳綜一代英名戰績長留天堡壘

津門驚噩耗聽萬家巷哭悲聲撼作浙江潮

楊旭初 陳駿業

民國建奇勳落日城頭戰績長留天堡壘

將星驚墮地秋風江上悲聲怕聽伍胥潮

周士傑

毀譽聽恆流寰海驛騷兩浙黔黎資保障

死生關大局頻年心血三軍肅穆仰韜鈴

黃慕松

手挽乾坤浙水長流膏雨澤

靈鍾河嶽津門忽報大星沈

俞斯馨 周思且 呂國斌 陳 籌

積勞搜疾難延公瑾之年今古功名皆夢幻

偉略奇才遙繼臨安而起東南前後兩英雄

郭沈鏞 金在鎔 方若城 厲 恆 鍾 銘

戰績定江南兩浙湖山資保障

盟音來冀北重陽風雨黯旌旗

黃尚華 徐 瓊

儒將著威名一戰成功天堡城頭留片碣

析津傳噩耗幾回憑吊錢塘江上作秋濤

譚崇仁 陳錫恩

功在國家浙水更歌遺愛永  
恩周下士津門遙痛將星沈

劉昌珪 壽雪亮

籌筆定南江飛電交馳忝附督郵供末職  
杜門居北海勞塵暫息不堪揮涕哭元戎

湯枚 楊積森 翁以智 方運新

遺愛滿湖山民不能忘豈僅白門傳戰史  
大招哀里閨歿而可祭獨憐滄海吊歸魂

劉昌偉 周子安

憶平時甲帳談兵所最虞黨派紛爭地方糜爛  
想此日重泉抱恨尙難忘內闕未已外侮頻來

徐蘭亭

一代偉人當世仰如泰山北斗  
七年從事此後空懷霽月光風

盛錦榮

蓋世震動名澤被枌榆一夕驚大星忽隕  
平生感知遇惠蒙埏埴而今悵小草何依

毛志標

從前願効馳驅周旋上道鐙鞭行行聽命  
向後心傷提挈拂拭在懸弓劍歷歷思恩

何鳴臯

傅維四

胡宗銓

閔文英

本新知舊學文武兼長浙水綰疆符虎帳談兵曾奏凱  
爲國計民生憂勞過甚秋風傳噩耗燕京作客共招魂

秦國鏞

公誠明祖亢宗血戰復江寧十七陵在天含笑



我哭周郎短命英風銷赤壁六州督何處招魂

吳乃琛

浙水著鴻猷手造共和儒將風流咸景仰  
津門傳噩耗魂歸桑梓鄉賢祀事合馨香

陳嘉善

中原將帥問幾人三十登壇故老猶存里巷盛談周子隱  
大地山河看今日玄黃戰野將軍一去疆場空憶霍嫫姚

徐景驥

儒將風流與羊叔子並垂千古  
台垣星隕比周公瑾更弱二齡

王培蓀

靈鍾浙右功滿江南記從春草吟邊聞說鳳麟原拔萃  
甲帳風清丁沽雲黯遙想秋笳塞北豈惟貔虎動悲思

馮福長 陳俊

精氣薄河山萬里奠陳燕市酒  
勳名垂宇宙一軍淚灑浙江潮

徐則恂

半壁奠山河治在越戰在吳十載追隨自愧雲龍成上下  
一星沈析木生也榮死也哀三秋涕淚心傷猿鶴泣英雄

陳常益

造共和剷專制是東南名將爲國家第一流人物去臘戟門  
晉謁偉略親聆詎半載睽違耗傳冀野  
嚴紀律維治安且經緯全才對部屬無兩樣心腸此時津邸  
養疴大星遽隕歎十年知遇淚灑甌江

金富有

五載秉節旄緩帶輕裘士庶同深冬日愛

一朝聞噩耗豐功偉績動名長與越山高

黃繼忠

河山再造節鉞同依貔虎振雄威每當風雨飄搖不激不隨  
持大體  
理學傳家兵謀衛國龍蛇逢厄運從此雲天想像自南自北  
失長城

王德明

灑一腔熱血締造共和戰守著奇謀馳譽丹青千秋不朽  
任兩浙仔肩維持秩序軍民蒙幸福追思功德薄海同欽

何元杰

攬轡此澄清錦繡湖山擊壤同依大樹蔭  
讀碑餘涕淚淒涼津海乘槎空望客星歸

陳紹龍

可是吳越王保境息民委曲周旋有多少生靈遺愛長垂青史遠

莫訝武鄉侯鞠躬盡瘁崩殂中道問古今名將幾人曾到白頭來

吳松年

桐葉方飄秋水南還君別去  
嘉禾何處津門北望魂歸來

葉翀

大樹飄零悲國步

浙潮來去見神旗

譚雲鰲 周民 李景芳

析木一星沈數儒將風流半壁江山遺壘在  
金甌全浙固念我公舊德連年風雨庇民多

朱士楨

兩浙溯奇勳儒將羣推羊叔子  
昊天胡不吊大星忽隕武鄉侯

陳肅瑩

溯歷年偉績豐功令譽播大江南北  
看今日素車白馬哀聲遍浙水東西

章又芙

繼武肅保障一方柱鎮中流偉業豐功留浙水  
比顏子後死兩載星沈大將秋風夜雨泣津門

何橫

肝膽鬱輪囷知己難忘隨武子  
英姿多颯爽壯志無慙祖豫州

奈冠澄 王復 趙百祿

裘帶仰雄姿淒涼白鷺洲前一角旂風寒落日  
鼎鐘銘偉烈嗚咽杜鵑橋畔五更薤露作秋聲

戴仁

大名垂兩浙保障東南過國士橋邊舊事不堪回首  
瞑目竟千秋榮哀生死望將軍臺畔故人未免傷心

童必揮 劉鳳威 蘇高鼎

爲民國建奇勳分職設官辱在下僚叨幸福  
自津門傳噩耗驚秋斷夢怕聞上將賦歸魂

黃公略

三載韜鈴愧黃石  
一生功業踵朱虛

洪彥遠

公爲兩浙作屏藩近聯淞滬遠克金陵武肅媿勳名明聖湖

邊表忠觀

天生偉人繫社稷解組遄歸騎箕大去招搖淪上將子規聲

裏析津橋

吳郁周

星落津門悲上將

夢縈皖水失神交

薛志超

天上一星沉獨能引疾避賢誰諒苦心維大局  
軍中皆雨泣若論感恩知己難忘公誼卽私情

陳瑛

日月見重光大將牙旗猶在眼

風雲多變態嚴營細柳已成秋

周華昌 趙鼎華

輕裘緩帶域外知名羊叔子峴首高勳沈水碑含千古淚  
風馬雲車海隅歸骨嚴僕射蜀中遺愛感恩人補八哀詩

許耀庚

哭旌旗遽赴遙天浙水滌洄無夢再圓滄海月  
嘆裘帶已成陳跡津門迢遞壯懷都化素秋聲

王恭禮

弔不盡哀哭不盡詞世變正紛紜說甚麼誰功誰罪  
天乎何怨人乎何尤吾儕感故舊最難堪一死一生

吳鏞

績著平吳當日咸推杜元凱  
功高復漢大星遽隕武鄉侯

項乃登

王濬樓船戰績千秋垂史册



之江屏翰元戎十乘壯風雲

施永志 虞言 洪幹臣 董朱聯 陳鈍

蔣堂 李家鼎 余國棟 陳鼎康 馮熾中

杜鴻儀 何民 王志祥 王輔臣 錢宗澤

奚政 徐雄 朱佑春 王從善 周智

易承恩 陸鍾泰

政局迭推遷惟我公敝屣尊榮爲保故鄉生命

將才遽摧折在吾輩同袍感泣難忘舊日深恩

沈鈞

勳業婉錢鏐方期弩控南江百歲歌還傳盛事

高情感嚴武豈料櫬歸北塞八哀詩遽誅斯人

陶鏞

邦命維新一代功名青史在

府門感舊四明號泣素車來

張應銘

功在人間對此半壁東南灑淚話英雄遺事  
神歸天上鑒我一官魚鹿感恩恕報答無才

芮鈞

爲天下痛非哭其私憶當年百戰英多唾手金陵談將略  
得一知己可以無憾歎我輩微官匏繫盟心湖水弔公靈

李涖

三千人控弩歸來湖上舊風光相望錢王表忠觀  
七二沾騎箕遠去山中閒草木同泣羊公墮淚碑

張濂

坐鎮歷四年湯蔣而後端推我公一柱折東南婦孺聞風皆  
泣下

治軍及三省皖寧以還言歸於浙重光瞻日月丈夫沒世亦  
稱豪

張寅

試問頻年危局誰爲撐持大德渾無名祇博得徐宿凱歌秣  
陵露布  
不圖百戰豐功竟同灰燼人情竟如是空惆悵招魂屈子墮  
淚羊公

黃贊元

父老盡謳思聽載道口碑難忘甌海安瀾日  
共和今再造論當年首義忍沒金陵拔幟功

徐蘭墅

越水湯湯回首銀塘明月共  
燕塵莽莽傷心沾水將星沉

夏仁溥

始終以保全浙境爲心帥節騰輝壯矣湖山正氣  
生平有慷慨神州之志將星匿采悲哉渤海歸魂

屠聿彰

鎮越絕下金陵前後四年七鬯不驚心力瘁  
縮軍符攝民政包羅萬象指揮若定將才高

吳萬里

民國建奇勳豈徒浙水吳山半壁東南資保障  
津沽傳旅病胡竟素車白馬萬人涕泗望歸來

張鵬

遺愛滿西湖人拜吳越王並崇其祀  
英風動江介天生周公瑾胡靳以年

宗懋琳

彼蒼如有情不合長才嗟短命  
中原正多故忍教上將折中年

徐時勉

下鉅鹿十餘壁楚兵嘗冠諸侯算五年開府錢塘風鶴不驚  
史稱周亞夫將軍如是如是  
圖雲臺廿八人安陽獨尊儒學把一卷征南左癖江山坐嘯  
天靳郭令公壽考已乎已乎

杜述琮

遺像肅清高名垂宇宙  
蓋棺成定論功在國家

趙之偉

陳贊唐

葉

綱

白下戰功高頻年危局撐持盡瘁都爲軍國事  
丁沽羈夢斷千里關河迢遞招魂悵望海天秋

郭芳春

將軍保障河山迄今有口皆碑无忘當日  
民國飄搖風雨具此苦心孤詣自足千秋

傅疆

公論待他年請看力捍梓桑名將三吳遺績在  
壯懷消此日但願繼生英杰錢塘八月怒潮平

陳表 張光第

保越奏奇勳方面獨當兵馬帥  
廌津悲客死鞠躬瘁盡故將軍

陳融

半壁一肩擔駭絕南天鼇柱折  
寸心千古恨淒其北海鶴魂歸

孫鏘

介人將軍崛起海隅督辦浙江軍務癸丑之役東南半壁  
賴以維持誠偉人也去年同人議復兩浙節孝祠將軍慨  
助千金率先提倡冬間以領款晉謁稱余步履康強是翁  
矍鑠蓋自知積勞成疾壯不如老詎料爲國盡瘁病終不  
起比聞靈櫬歸自津沽追述前事用志哀悼孫鏘挽并跋  
義棗解千金早知明德必興陶侃勛名由母教  
危機支半壁太息鞠躬盡瘁武鄉心事出師篇

王葆初

政見不必同卽此息事寧人鄉國難忘錢武肅  
萃言久乃定試看論功行卹漢家終念馬文淵

張 炳

功高錢武肅命促孫桓王兩浙士民同聲一哭  
山呼杜宇花路插萊公竹千秋史册自有定評

趙 楣

維桑與梓念茲戎功宜其遐福  
彼蒼者天降此大厲殲我良人

王 榮

提倡尙武精神棧樸菁莪學界重光公不朽  
保護地方秩序死生契闊海邦四望我何堪

計宗型

寰宇感滄桑莫白隱衷貴知進還貴知退  
東南資保障昭垂盛業在立德尤在立功

吳 丙

民國敘元勳算來手創共和一戰成功在天保  
浙中有名將話到振興實業百工罷作哭嫫姚

英人  
梅騰更



始終以顧全浙局爲心名將幾人能如循吏  
國家有寄託長城之重中原多故遽喪元戎

杭州基督教青年會

剷除專制改造共和儒將奇勳垂兩浙  
嘉惠青年如保赤子先生遺愛足千秋

中華基督教青年會全國協會

看西湖高峙豐碑光復紀前功一戰英風留白下  
爲全浙安排爽塏裁成資後進萬間廣廈庇青年

太原基督教青年會

是名士是英雄抱雷雨經綸不愧紫陽賢裔  
大韜略大政治望風雲慘澹同悲黃冑元勳

福建青年會

國史論賢才地位略同錢武肅

時艱知進退憂危不愧范希文

沈敦和

時局奠東南賴公坐鎮四年方期霖雨宏施再造共和光浙

水

京塵捲西北別我甫經二月詎料大星遽隕萬家號哭失長

城

吳恩元 吳敬倫 馬秉寅 金有常

復漢建殊勳浙海潮來軍氣振

避賢歌大去析津日落將星沈

蔡元康

文通爨序武達戎行數海內知交幾見青衿躋大將

澤潤鄉閭星沈客路訪湖邊舊跡欲尋絳節弔歸魂

何春熙

勳名事業總成空  
逝水功高僅作資  
材供史料  
得失是非奚足計  
燕雲秋冷我懷大  
樹哭將軍

顧松慶 王錫榮

霖雨被南邦  
民登衽席  
大星隕北海  
功紀旂常

謝錫嘏

溯辛亥革命  
百度維新  
開國具宏規  
勒石銘勳  
父老猶能談  
往事

自滇黔誓師  
四方響應  
避賢成永訣  
蓋棺定論  
將軍原不負  
斯民

徐光溥

治軍有紀  
治下以仁  
隻手造共和  
葛嶺千秋  
片碣在  
爲國避賢  
爲民弭禍  
人心多險  
幻江湖五  
夜大星沉

黃寶瑛

兩浙賴綏安爲國宣勞違惜生前躬已瘁  
中樞隆待遇論功行賞何慚死後恤從優

張鵬翔

海昌鹽邑本屬毗連鄰縣仰英風幸明訓疊頒得相與息事  
寧人維持秩序  
民政軍權原無偏倚頻年稱合治惜長才未竟不獲見惠商  
樂利享受共和

陳繼業

投筆憶從戎當年革命告成奏凱南旋浙水中流資砥柱  
挂冠緣引疾此日招魂何處騎箕西去津門遙望失儀型

周拜墀 丁鐘麟

功垂社稷澤庇梓桑舉足安危全浙繫

生綰疆符死邀國卹傷心迢遞客星沈

金臺旅館

赤手造成新世界

英魂猶念舊家山

李肖聃

前年共湖上看山  
檠戟遙臨斗酒縱  
談煙霞洞  
少日與江南同學  
英雄易老功名艷  
說雨花臺

沈廷錫

建牙開府不忘昔  
日觀摩一夕將星  
沈車笠從今悲死  
別  
經武整軍竭盡平  
生心力千秋公論  
在戈矛修我失同  
仇

陸其光

析木返靈車巷哭  
衢悲保浙片言治  
國策  
扶桑聞噩耗秋深  
海闊痛公獨上望  
鄉臺

柳大謐

血戰雨花臺只今燕趙悲歌一場事業如春夢  
舊遊煙霞洞何日錢塘重到兩行涕淚弔秋魂

郭世綸

功在國家望隆鄉里  
威宣吳越名震瀛寰

陳華

謀猷播皖水相期戮力中原當年講武一方時地雖殊志業  
欣看接跡  
功烈滿湖山愧未同舟共濟際此神州多事海天遺憾挈提  
痛失平生

高孔時 王鶚 周凝修

甲冑本書生壯志未完戰績僅傳蔣侯廟

丁沾呼雄鬼英年早死靈風來護浙軍旂

楊德恭 俞次平 趙經世 黃任

是於越間氣所鍾四五年坐鎮東南遺愛猶存陶侃勳名公

瑾壽

數建業陸軍同學百餘輩奔馳國事中原多故新亭涕淚楚

江悲

黃文蔚

天胡靳斯人壽同學少年又弱一個

世更思上將才遭時多難共靖萬方

湛國鈞 李善閻 許文瀚

噩耗飛來誼切同袍悲上將

大星遽隕心傷千里失長城

黃燿元 黃湘

公眞造時世英雄浩氣猶存戰績著大江南北  
坐鎮在湖山勝地流風未泯謳思徧浙水東西

周應時

念立德立功立言去留有道得失無心始終爲民爲國  
論避地避人避世委曲求全初衷未昧究竟負我負人

武定功

善交遊忘勢利合晏嬰獻子成三記曾道貌長親早識才華  
能大展  
知兵略諳韜鈴是穰苴尉繚第二爭奈天年不永非凡抱負  
未全伸

陳莘

半生事業百年功無愧人天死而何憾  
蓋世英雄一場夢淒其風雨魂兮歸來



朱 濬

記少年同學言志一堂誓將旋轉乾坤高步上追周召業  
值景運初開奏功百戰正賴撫綏桑梓傷心竟厄管蕭才

黃繩武

硯席我論交憶三軍雪裏鴻泥惟留爪印  
謳歌民戴德胡一旦空中甲馬遽隕將星

孫文華 陶 鑑 葉文華

出錢塘門百步而遙看鈴轅嚴肅軍笛悠揚卅里湖山思保  
障  
與乞巧日兩朝相距忽大樹飄零赤松遠去一堂風雨倍淒  
其

查人伊

上憂國是下惜民艱環之江數百萬黔黎端資保障

儒將風流書生本色攬全浙一千里疆土盡託旃幟

沈有壬

橋李同遊武林感遇最難忘循吏治才將軍韜略  
金陵樹績津海招魂猶想見明夷箕子霖雨周公

朱興武哀輓錄乙編中終

朱興武哀輓錄乙編下

輓聯三

陳鼎昇

金陵爲辛亥劇戰場天堡紀功碑足供一代騷人憑弔江山  
歌綽板

錢塘乃將軍駐節地湖隄陣亡墓想像舊時部曲往來風雨  
護靈旂

何德恆

爲國家奠定東南不數大江人物  
惟先生伯仲伊呂豈徒一世榮哀

陸湘

大陸戰龍蛇赤手挽東南危局  
窮途厄騏驥撫心傷今古雄才

許清澄

戰績著金陵於今建業城頭猶見碑刊屨  
靈輻返珂里倘過天津橋畔忍聽啼斷杜鵑

儲永忠

輕裘緩帶儒將風流蜚壯歲英聲有偉績  
炳旂常有大名垂宇宙

流水高山知音終古賸兩行熱淚於私情  
哭桑梓於公誼哭元良

樓 巍 鄭 奠

盡瘁鞠躬自有功名配諸葛  
經文緯武惜難壽考比汾陽

劉渭廣 王顯謨 姚士杰

遺烈在東南望越國城頭颯颯靈旂翻落日

人情異枯苑看鹽官隄上匆匆士馬過秋風

吳申伯

時事正多艱卅餘年成績可稽當代史官猶秉直  
人生原有盡千百載立功不朽中華民國與同休

張善城

勇略冠三軍天堡定功看王濬樓船兵威首震江南北  
英名動四表長城頓壞撫錢鏐鐵券哀聲應徧浙東西

王文豹

津海湧新潮最是傷心秋到鯉庭悲失怙  
津江尋舊雨不堪回首春生虎帳坐談兵

陳懋孫

一生謹慎堪比武鄉白下建殊勳驅策鈴轅叨庇廕  
卅四年華短於公瑾津門傳噩耗空瞻牙纛哭歸魂

鄭之澗

血戰克金陵慷慨悲歌大將允堪繼忠武  
丹忱報民國風雲變幻華年竟爾赴修文

金有恆 金有壬

浙右興師江南奏凱論功已足千秋更擘畫多方仗公績著  
龔黃力保祖邦歌樂土  
推翻專制肇造共和積勞固非一日奈形神交瘁愧我技疏  
盧扁別無妙術起沉疴

李鍾崧

仗義出奇兵不日成功全浙人民資保障  
大星行失度霎時殞石故鄉耆舊盡傷悲

張雲鶴

聯軍奏捷成功不居鎮浙歷多年列郡同僚資表率

引疾避賢潔身高蹈客津傳  
盟耗長城千里忽崩摧

王維楨

有經緯文武才大纛高牙儒將雍容冠今古  
爲保全桑梓計急流勇退丈夫高義薄雲天

徐炳萃

少習軍學壯縮疆符不愧古之名將

衛此國家保其鄉土奈何天厄斯人

張元勳

天資英俊投筆從戎十載功名昭垂國史

世故變遷急流勇退千秋遺愛合祀鄉祠

張華清

英年何卓犖東床坦腹老眼無花且看半壁安危措持賴有

將軍樹

世事正艱難北望傷心殷憂未艾况復一門弱息啼號長向  
丈人峰

徐文燾

自全於蘇閩贛皖而外獨不隨蘇閩贛皖而靡孤山不孤偉  
績昭垂梅鶴壽  
爲撫此人民疆土而來亦因奠人民疆土而去浙兵保浙名  
言磊落鬼神知

徐文弼

偉業永湖山指點旄頭落日搖愁傳噩耗  
浮生餘涕泗摩挲盾鼻秋風和淚寫哀銘

徐文俊

少同學長同遊中表相依卅載締交如夢過  
德在民功在國始終不二一生論定蓋棺時



曹林

率旂天堡城頭一戰歸來成功克讓  
寄跡津沽橋畔孤衷難白公論自存

王大榮

壯志雖酬愴懷永訣迹其處世立身最難得愛國心誠愛友  
心熱任恤姻親心至厚  
沈疴不起撒手遽歸拋却一門數口何忍聽賢兄哭弟賢妻  
哭夫伶仃兒女哭終天

陳宜慈

身去心仍留料歸來蒿里精魂應喜歲亦無恙民亦無恙  
名高毀自至歎如此桑田時局遑論功在千秋罪在千秋

徐文藻

治浙四五年功罪是非自有後人公論

訂交十八載窮通生死那堪舊事重提

嚴鶴齡

薦揚白下虎鎮武林幸哉吾浙

鶴返遼東鵲啼橋上痛兮將軍

程鍾裕 程鍾英

綜五年時局軍興者三惟我公措置有方進則克退則安宦

海息風潮出處純爲民命計

問直省治平誰居第一獨我浙指揮若定市不驚兵不擾錢

江搢柱石是非留待史家評

龔咸德

時勢造英雄一麾保全浙又安桑梓蒙庥心力瘁

恩情關戚畹千古弔故鄉華表葭莩銘感涕洟多

顧立仁

想當年白下軍鋒奏凱有六千君子  
問今日浙江潮水悲秋添幾尺波濤

吳時揚

偉業足千秋祇留鐘鼎新銘最是傷心化猿鶴  
征途指萬里若問枌榆舊社不堪回首看鷄蟲

馬賓來

國事尙飄搖方期砥柱常留爲蒼生大沛霖雨  
年華方壯盛胡竟桐棺長閔使吾曹遙哭秋風

張清熙

譽不知毀不聞敬梓恭桑此心昭然若揭  
苦其志勞其體捨身爲國斯民永矢勿諉

張燮鏞

是立德是立功遺愛在軍民瞻拜神旛同一哭

爲名士爲名將大勳光宇宙昭垂史冊有千秋

李開福

桑梓望崇捍衛國家膺重寄

葭孚誼篤迢遙津海賦招魂

巴宗彝

生正逢時河山再造

死何太早世事猶艱

巴維義

半生熱血滿腔兩浙銘勛三江飲德

千里秋風斷夢藐孤何託大局誰扶

張堃

愛日同懸兩浙山川資保障

將星遽隕一秋風雨慘靈旗

吳廣廷

湖山聯袂幕府開尊客散酒痕留猶認杭州在襟上  
漢水繫匏宮途似弈秋深酸淚墮欲呼叔子到碑前

王昌義

非角論交自忝庸材供末職  
壺頭掩淚重爲時局哭元勳

盧宗鰲

時勢造英雄振臂一呼平生偉績豐功只贏得兩浙湖山無  
恙

軍民勞督理鞠躬盡瘁抵死衛鄉保國已足令千秋俎豆常  
新

張城

將軍功德鑠古震今定知遺愛難忘兩浙人民同感泣

名士才華經文緯武詎料大星忽隕一秋風雨倍淒涼

盧元振

改革建奇勳千里戎衣李廣當時傳射虎  
急流懷退志一官敝屣薪王何處弔騎驢

胡順珍

運籌帷幄存乎一心爲將儼同曹武惠  
決勝機謀奠此兩浙論功不愧左文襄

張世楨

死者已矣生奚以堪看他寡婦孤兒別有傷心身後事  
魂兮歸來靈其不爽但使衛鄉保國何妨曲諒眼前人

鄭福燿

同學溯髫齡惟君之兄惟我之師廿載交情託知己  
殊勳成壯歲榮哉其生哀哉其死千秋事業付公評

吳世煌 馮汝綿

功業著南江士飽馬騰城下會兵思往昔  
鹽音傳北海山遙水遠墓門挂劍待將軍

張肇達

去就繫安危一志爲民指天日

東南思保障千秋遺淚灑江湖

崔寶璜

爲公誼爲私恩兩浙湖山同鑒將軍心苦  
是上官是先進數行筆札頓教小子懷悲

張薪田 金樹仁 田用五 章光庭 劉月臨

王 城 劉兼山 王繼乾 李如盛 劉 文

許本良 楊旋坤 吳正嘉 席芹生 朱兆瑞

康肇衛 詹聰訓 周澗西 曹 作 陳 詩

倪維城 鄭允中 潘危壁 儲達根 韓原道

江恢茂 杜渭濱 陳萬言 舒浩 吳峻

吳尙斌 江中鵠 吳履安 劉木天 汪煜燾

葉嚮五 劉化南 潘耀庭 金之聲 潘伯寅

朱桐 陳伯先 李成實

英雄造時勢其信然乎浙水聽謳歌完卵安巢力贊新邦方

底定

師友哭寢門猶私誼耳皖江懷教澤登臺演武每過遺址不

勝哀

曹柱 儲才 王用賓 王育培 吳祖芳

皖水識儀容聚米爲山行陣親聆伏波訓

鍾山餘戰壘銘勳勒石馨香合配蔣侯祠

孫朱坤 孫瑤



上將軍坐鎮武林仰偉績豐功亘古湖山並重  
予小子追隨文席痛耳提面命從今薰炙難親  
張大鈞 董朱聯 王 綱 錢 鈺  
聖湖水浙江潮有靈長在  
泰山頽梁木壞同哭先生

葛海涵 王治平

虎林遙望福星論文治武功何愧屏藩南國頌  
鹿洞曾沾化雨忽山頽梁壞空餘絲竹後堂悲

胡玉琨

煦育荷師門說藝談兵方喜風高鈴閣暖  
艱難造民國鞠躬盡瘁倏驚星隕析津寒

楊冠五

肝膽向誰悵今後地角天涯空使執鞭嗟末路

頭顱如是看此日內憂外患何從載酒哭師門

韓經芳 潘 萼

雅度想綸巾華夏丕基資翊運

春風悲絳帳昊天不弔喪元戎

年昌齡 宋振亞

能清能和能任謂時中門下溯前修那堪痛切山頽悲深木

壞

立德立功立言稱不朽斯人符景運豈第書傳黃石學紹紫

陽

沈萬培 陳樹人

錢江坐鎮獨搢半壁湖山迄今論定蓋棺應有豐碑題峴首  
皖水從遊忝屬一門桃李忽爾耗傳撤瑟那堪問字憶元亭

王之客 黃中秀

富貴何如貧賤樂

溯辛亥以前迄癸丑而後這幾年經幾番磨折勤勞成痼疾  
生死相依患難中

朱積權

念長者鞠育多方撫我有室教我成人扑責盡恩施深願田  
荆綿愛日

嘆小子遭逢不偶無父何怙無母何恃孤癯託庇陰那堪阮  
竹又秋風

釋復三

英雄本來佛性公餘匹馬登高攜兩三賓從命安排苦筍清  
茶縱談洞裏烟霞山中猿鶴

世事不到禪關聞說天龍度劫降十萬羣魔願懺悔善因惡  
果莫問生前武肅死後岳王

朱興武哀輓錄乙編下終

朱興武哀輓錄丙編上

祭文

黎大總統

中華民國五年八月 大總統特遣陸軍少將蕭星垣致祭于介人將軍之靈曰  
神州政變八方雲俶桓桓護軍造端天目會師白下身搜飛鏃既斷天塹迺迴地  
軸收印九七功最諸牧共和告成鎮浙東西輯和行陣煦慰瘡痍屠鯨山賊剽馬  
金隄農桑樂業權舍熙熙奏課第一中水所貽卯爲春門滇黔仗義君方臥治振  
刷綱紀十道解扉百城畫地負弩弦鳴背嵬鼎沸崎嶇黃浦潔身引避惟君純孝  
色養怡怡瞻窆制淚負土含淒秉訓經國不激不隨遵時養晦肆應咸宜伯山年  
少吏民見思如何不弔大星傾移津水湯湯雲車往復鬲侯臨命舉營憂悚公瑾  
天亡年才卅六哀我同袍臨風慟哭尙祈英靈擁護民國牲玉告虔來歆來格尙  
饗

朱 熙 王莘林等

惟中華民國五年九月二十七日蘇常鎮守使朱熙蘇常道道尹王莘林暨蘇城軍政各員謹以清酌庶羞之奠致祭於前興武將軍督理浙江軍務介人朱公之靈曰惟公光昭蘭綺譽美觴辰會逢鼎運之蛻新奮率戎行而建績江淮草木共知萬福之威名浙水香花崇拜婆留之保障瞻對雲臺之列畫劍履常新驚聞星斗之彗芒靈旗遽返莘林等逖聽哀挽夙仰聲威薤露同歌敢後僊禽而弔奠英風如接謹招驃騎之精靈虔備苾芬式昭歆享尙饗

屈映光

惟中華民國五年十月十六日臨海屈映光謹遣代表以瓣香玄酒之儀致祭於興武上將軍介人朱公之靈曰紫雲聳峙浙水清漪細縵亭毒崛起英奇經文緯武日啟新知蓄之於早志在匡時方清季年專制益力茫茫神州淪於荆棘卓哉朱公憤填胸臆摧陷廓清經營孔亟鄂州起義漢幟方張公興師旅應於錢塘裹尸馬革意氣激昂掃除膾穢先定梓鄉金陵一隅時猶負固乃率浙軍星夜馳赴奪取名城敵師震怖統一朔南奇勳特樹凱旋浙水衆望益孚尋膺簡命身綰疆

符軍民統治丕煥遠謨共和手造萬姓昭蘇癸丑夏間贛寧變起固守金湯不驚  
嚙七旋辭兼職專治軍紀坐鎮四年功烈罕比卒因盡瘁叢疾於身乘機而退養  
疴析津曾不數日竟爾返真感懷遺惠遐邇愴神映光與公久共患難棖觸前塵  
彌傷雲散謹遣代表奠醑靈案聊當束芻藉伸悼惋尙饗

### 呂公望

中華民國五年八月二十七日浙江督軍兼省長呂公望謹以清酌庶羞致祭於  
興武將軍朱公之靈曰嗚呼我公易逝者時不朽者功公之遺愛在浙西東策定  
安危志貫始終引疾去位公何從容天不憖遺我今哭公豈惟私慟朝野相同追  
懷曩昔辛亥之冬公麾浙軍曰戰曰攻金陵既下勳績是崇還師鎮浙櫜矢韜弓  
庶政用修誓願何宏匹諸前哲武肅齊蹤屏障鄉土如守垣墉能使閭巷不驚鏃  
鋒中更百難嶷然折衝此非諛美久共憂恫無何疢疾迺罹厥躬汲黯淮陽臥治  
同風昊天不弔占國告凶宵人竊柄將壞廬宮公非昧時要言折衷身雖去浙愴  
然感中嬰疾不起賫志無窮蕭規曹隨今屬顛蒙前得公書勸戒猶隆遣醫饋藥

百驛能通何圖訃告忽罷隣春雲旗風馬歸於玄穹邦喪哲人衆悼元戎廣筵用  
潔清醴非醲焚香告哀靈鑒來供嗚呼哀哉涕淚無從尙饗

又

中華民國五年九月二十八日浙江督軍兼省長呂公望謹以清酌庶羞復致祭  
於興武將軍朱公之靈曰嗚呼惟公之靈今復還於故鄉緬素冠兮丹旆中摧絕  
於心腸痛雲旗兮風馬奠桂醕兮椒漿知哀感於行路將亘古而不忘念昔勤於  
國事相哽嘆而激昂迨浙軍之奏凱期永靖於櫓槍胡世變兮紛乘公嬰疾兮在  
牀旣抽身於政海遂棲魄於殊方宜朝野之軫悼雖婦孺而悽愴嗚呼言公之武  
烈志早願爲國殤書公之治行論已定于廟堂悲浙人之永慕同江海之莽蒼諗  
靈輻之言歸聞泣涕以相望哀笳兮輓歌社祭兮馨香嗚呼以公之靈其來格而  
來享嗚呼哀哉尙饗

童保暄

惟中華民國五年九月二十八日浙江陸軍第一師師長童保暄率全師官佐等



謹以不腆之儀致祭於興武將軍督理浙江軍務陸軍上將朱公之柩前曰渤海  
風寒之江湖咽長城倏頽天柱中折有識銜悲邦人鬱結矧伊部曲能無慟絕嗚  
呼我公實邦之傑功在天下豈惟吾浙胡天不弔殲我明哲與善無徵壯年永訣  
繫惟我公其志觥觥儒冠匪樂將略攸長天厭清德志士雲翔公實主之待時善  
藏武昌首義風動四方我浙起應漢祚用光孰梗長江負嵎以抗薄言變伐義旗  
斯張公往會師桓桓其士天保拳旗朝陽摩壘爰下石城不變芸市誓將北征燕  
雲直指清廷震疊和議以起乃肇共和雪我國恥勾踐報吳寧能比美公既凱旋  
衆望彌孚乃專閫寄乃秉疆符整我師旅如火如荼惠我黎庶以安以蘇在癸之  
夏江表張弧公則靜鎮完我奧區他方擾攘惟浙無虞錢王建藩厥績罔殊功德  
克洽純嘏宜鍾不圖天道乃愆于公爲國爲民罔恤其躬形神交瘁衰病遽攻洞  
觀時局自斷于中功成身退老氏所崇蔽屣好爵高舉冥鴻如彼留侯往從赤松  
浩浩津沽擁京濱海氣候攸宜醫言是采旣謝塵鞿亦遷爽塏庶幾調攝勿藥可  
待不謂無何寢疾遽殆鼓鼙聲沈旌旗色改遙聆訃音悲深察案今將安放上訴

真宰古亦有言死而不朽公之功德可大可久自有千秋何事于壽惟茲生者傷心疾首嗟國多難實丁陽九強鄰耽耽悍將孔醜公不少留誰能措手爲大局悲豈惟私厚惟我浙軍自公開先方觀厥後胡忽棄捐勉循遺軌罔敢或愆思公不見我悲曷宣素車旋止丹旄有翩我登其堂遺像徒懸陳辭荐酒隕淚如泉願公靈爽陟降几筵嗚呼哀哉尙饗

張載陽

中華民國五年九月二十八日興武將軍督理浙江軍務朱公介人靈柩歸自天津浙江陸軍第二師師長張載陽遣員迎祭於故構李境上而致其詞于將軍之靈曰絜武原之鍾秀兮實惟生申聞少孤而力學兮有志請纓迺值辛亥之役兮卒立功於金陵俾漢室之光復兮樹浙軍之令名迨凱旋而督浙兮兼民政以勞形當民國之締造兮正任事之艱辛閱滄桑而不變兮持鎮靜於一心與民生以休養兮仰保艾之功深盡賢勞於四載兮使列郡無七鬯之驚胡所生之不辰兮逢帝制之發生欲按兵而不動兮奈民意之求仲寧引疾以自避兮免創鉅之痛

深暫避地於春申兮旋就醫於析津幸共和之再造兮期漸進於昇平乃積勞以致疾兮當中年而隕其身驟聞噩耗能不悲哉幸江山之如舊兮望魂氣以歸來奠清酌與庶饘兮偕松菊以誌哀尙饗

俞煒

中華民國五年九月日俞煒謹率浙江陸軍獨立第一旅全旅軍官敬以清酌庶羞致祭於興武將軍朱公之靈曰嗚呼我公魂兮歸來豈邦人之私慟同部曲而重哀雜薤歌於笳吹兮悲不絕於衷懷記吾浙之昔治兮公首闢其蒿萊允安內而戢外兮功遠被於江淮胡昊天之不弔兮奪謀國之良材噫玉棺以下降兮痛玉樹之長埋述平生之武烈兮誠不世之雄才終因病以去浙兮非宏願之終乖嗟百身之莫贖兮歌秦風而徘徊志欲殉於疆場兮今歸骨於海涯緬丹旆之戒塗兮雲黯翳而不開奠素觴之在筵兮感儔侶之相偕我公之靈在天兮願不問於形骸洵銘誄之可傳兮淚莫制於瓊瑰嗚呼哀哉伏維尙饗

陳肇英等

中華民國五年九月二十八日浙江陸軍第一師步兵一團團長陳肇英水警第二區區長俞肇桐兩浙緝私分統趙廷玉嘉興縣知事袁慶萱致祭於興武將軍朱公之靈曰嗚呼惟公生而爲英死而爲靈整軍經武胸羅甲兵保障全浙七噫不驚功成身退永保令名積勞成疾無術回生胡天不弔壞我長城遙傳噩耗萬籟悲鳴靈輻返里泣涕相迎庶羞清酌明德惟馨惟祈歆享克鑒精誠嗚呼哀哉尙饗

湯心存等

惟中華民國五年九月二十有七日同學弟湯心存等恭設穀酒香楮敬祭於興武上將軍介人仁兄同學之靈曰嗚呼哀哉大樹凋蔭將星隕輝壺頭沴厲峴首淚揮津淒月暗海咽潮飛天何鬼蜮人共妃豨追維上將世係紫陽青年俊傑白馬超驥蜚聲浙水發譽皖疆救平勝國肇造新邦甲寅壬子騫騁梓鄉功高鼎紐名在旂常足式吾黨額手相慶私自慰藉同學生光張角逢辰龍蛇懣歲變起蕭牆兵驚宿衛樂毅潛行廉頗受替顛沛東隅回翔北計暫息仔肩謂君終濟何期

天帝無人隱憂巫陽下召公竟仙遊如滕石槨如李玉樓人間撒手天上昂頭哀  
傳噩耗訃遞星郵開緘伸紙涕泗橫流善人不佑理有斯否哀動同人不忘疇昔  
締交廿年識君崖略君之行誼忠信楷模南金良玉嶒然不污君之文學虎豹蛇  
龍枕經菲史世仰宗風君之功勳赫赫翼翼威布九垓顯明八域君之雋才李程  
韓范禦侮折衝爲國之幹少既潛心壯而折節將可名儒英能稱哲若壽汾陽若  
年潞國克竟壯猷曷其有極不圖中歲齋志以歿亡彼人琴曉浚涕溼所可慰幸  
家有琳琅鳳毛麟角巨闕夜光功酬龍袞典錫鸞章靈輻南返丹旆西揚君可無  
憾乘雲帝鄉永決平生悽愴舊雨涕灑棺輻淚揮翬羽胥江水逝落葉風悲幽靈  
來格歆我樽盞傷哉遠道去矣武原告安窀穸永安神魂嗚呼哀哉尙饗

徐文俊等

惟中華民國五年九月二十四日舊屬徐文俊金慕萱金日新周祖謀王鴻鈞陳  
銘方邕陳翰等謹以清酌庶饘致祭於興武上將軍介公之靈曰嗚呼哀哉商飈  
颯起大星忽沈潞河水咽渤澥雲霧旌旗慘黯甲馬陰森中樞震悼邊徼驚心咸

謂李晟社稷攸賴胡迺道濟長城是壞溯公武烈山礪河帶溯公文治珠槃玉敦  
曰歲辛亥江夏檄傳手提越封以景從焉秣陵略地徐宿凱旋偉茲一役返日迴  
天泊歲癸丑公方鎮浙百郡烽飛八垓瓦裂浙瀕於危公抗厥節珠韜獨持金甌  
無缺公撫浙土浙土以完公愛浙民浙民以安人爲其易公爲其難遑恤我躬心  
竭力殫環眎生靈有倪有耄拯彼水火納諸覆幬天鑒仁人何以爲報誕錫石麟  
雙丁兩到乙丙之際世變堪嗟爲民請命甯我無家乃避賢路乃乘客槎何圖此  
厄歲在龍蛇魚等樗材夙參府署方跂鷹揚倏悲鶴馭昔傍蓮華今歌薤露那不  
神傷淚零如注吳山亘古漸水長春巍巍金鑄兀兀貞珉生而頌佛歿則爲神魂  
兮來歸血食榆枌嗚呼哀哉尙饗

富景瑗

惟民國五年歲次丙辰陰歷九月二十日同里世弟富景瑗謹以清酌之奠致祭  
於興武將軍介人朱公之靈曰嗟乎當東南起義之初各省會師金陵而浙營紀  
律嚴明爲諸軍冠用以底定大功彰彰在人耳目固已當二次革命之起也南洋

六七省如器傾欻岌岌不可終日公獨按兵嚴東部伍閭閻七鬯不驚而吾浙賴以大定自是而後浙人習於治安四時嬉遊鼓歌之聲相聞至於今不廢識者謂公之功非獨在兩浙也且能捍衛東南抑非獨捍衛東南也實被影響於全國矧外人之互市在此者安堵高枕亦皆承公之惠賜噫嘻公亦人傑矣哉惜時移勢易局勢雲變政府措置失宜疆臣進退維谷公以孑然一身適當其衝憂傷憔悴造此沉疴初成柱國之勳旋痛長城之壞嗚呼傷已公之事業德行自有國史紀載本無俟景瑗贅述第景瑗既佩公之大功又哀公之不壽作誄辭以抒哀亦情之所不容已也遂爲之誄曰共和初造公奮長戟雲起龍驤開府兩浙我始於公音容未接屬有世交遂遺文筆公雖稱兵匍匐救喪砥柱半壁當仁不讓獷悍之徒顛倒相上公鎮以靜運籌在掌藉藉賢聲無問鄉黨公篤於親調孤卹貧三百舉火仁同晏嬰公慈於民扶危定傾雅歌投壺刁斗無聲方謂食報年登耆耇修短難測恭而不壽戢迹申江悲風擊膺移旆津沽嚴霜慘零公其歸乎魂依里門人生之沒腐草相望公名之垂星斗爲光人之富貴死則磨滅公譽之令千禩萬

葉國運雖復未還其常蒼鷹肆擊海波遂揚公平往矣誰爲弭匡髣髴公靈來享  
一觴嗚呼哀哉尙饗

朱興武哀輓錄丙編上終



朱興武哀輓錄丙編下

輓詩

李厚基

兩浙擅山水美秀而雄奇靈氣鬱必發生材盛於斯文儒與武俠崛起咸有爲誰  
歟稱健者文武能兼資惟我朱將軍一出獨冠時將軍紫陽裔世代著令儀少年  
已殊衆迨長益不羈左傳杜有癖春秋狄有師旁及遷史書慨然與古期旣而觀  
世變隱懷廓清思研求軍事學圖強尤孜孜學成以爲國大廈難獨支何若贊黨  
會併力扶傾危當其典軍日卽爲光復基辛亥鄂首義惟浙實繼之軍府旣成立  
假手建鴻規有功在桑梓功高不矜持其時未統一南北交猜疑自經石城役險  
阻化爲夷頗似曹武惠用兵策無遺大局從此定解甲息熊羆吳下旣反旆浙中  
仍擁麾况膺專閫寄兼領羣牧司興除百利弊四境蘇瘡痍軍民同愛戴如登春  
臺熙積此累載勞心力俱已疲贛寧適發難羽檄交飛馳浙省當其衝勢欲決藩  
籬將軍持鎮靜一着爭危碁七鬯迄不驚全浙賴以綏泊乎難平後乃請兼職辭

章位拜寵錫照耀大將旗湖山開幕府羊酒饗健兒海疆時無事將軍憂方滋憂國復憂民病至不自知滇黔事繼起響應遍南陲風雲日益急心膂皆內離將軍爲浙計不欲自我墮決然引疾去弗問譽與訾理亂置不知逃名爲求醫自滬而津門養疴度地宜方期精神復再見褒鄂姿胡天弗假年而忍哲人萎閩浙最密邇鄰誼常相維將軍今往矣籌策誰與咨錢江水淒咽吳山雲黯披雲水若爲哀我更增涕洟長城功盡壞大樹陰忽移每思將帥臣聞聲有餘悲浙人懷遺愛應立羊公碑滄桑萬萬劫歌頌永弗衰

李卓民

望氣中原夜沈寥靈旗掩涕將星遙淒涼燕市還遺骨浩蕩泉唐吼怒潮英烈猶談錢武肅軍容空拜霍嫖姚不堪嗚咽丁沾水回首穰春失六橋  
松江湖水旋沈夢笑語當時記盛筵振臂吳山看立馬傷心津口聽啼鵑一腔熱血埋無地八月寒雲遠接天重過黃墟應腹痛哀辭和淚寫蠻牋

方春華

三十登壇顧盼雄書生戎馬氣如虹一場事業曇花現半壁江山戰血紅浙水東  
西餘舊澤丁沾七二咽悲風蓋棺無盡英雄恨定論他時自不同

吳欽泰 張嘉驥

當年天保獨橫戈雷動三軍奏凱歌一自賢勞成痼疾峻岫俠骨漸銷磨  
鼙鼓潯陽動地時江南淚雨又絲絲吳山一角金甌固儒將風流信可師  
不忍胥濤戰血紅急流勇退亦英雄湖隄三五漁樵話猶指豐碑說紀功  
英雄自古白頭難時局如斯掩淚看我祝將星返天上莫教再世莽登壇

諸宗元

病榻憂時語可傳至今遺愛滿山川不驚榮辱銷羣毀終負安危策萬全感逝黃  
爐餘涕在誓師白下獨身先杜陵有意哀房瑄生死交情豈自賢

哀輓錄丙編下 輓詩

十六

朱興武哀輓錄丙編下終

朱興武哀輓錄丁編

幃字

黎元洪

助隆斧鉞

馮國璋

上將星沉

段祺瑞

軍鋒之冠

范源廉

袁希濤

將星遽隕

程璧光

曹家祥

功在旂常

朱家寶

大樹飄零

汪大燮

恭桑敬梓

趙倜

壯猷未竟

王占元

仙遊蓬島

張勳

典型足式

段芝貴

功在國家

蕭星垣

褒鄂遺風

趙爾巽

騎箕天上

孫寶琦

功在桑梓

張謇

鴛湖蕭颯

龍濟光

龍觀光

龍裕光

柱折東南

張廣建

將星搖落

楊士琦

壯猷未竟

楊善德

生英死靈

張錫鑾

鴻猷未竟

萬德尊

氣壯河山

齊耀琳

天目歸真

沈銘昌

哀咽江湖

田文烈

儒將遺風

閻錫山

星沈析木



王芝祥

雄風宛在

李純

中流砥柱

徐樹錚

超世遺難

王家襄

分野星沉

嚴修

箕尾神歸

蔣尊簋

南江砥柱

唐啟堯

哀榮備至

葉恭綽

大樹風摧

楊以德

手奠山河

金華林

克壯其猷

劉錫鈞

勳隆望重

張 弧

金刀掩芒

施從濱

將星忽隕

張文生

名標青史

劉詢

哲人其萎

傅良佐

周肇祥

干城之選

商德全

商德正

裘帶猶存

雷震春

敦詩說禮

崔鳳舞

南國屏藩

袁思永

河鼓星韜

師景雲

長城星隕

金兆梓

惠孚吳越

魏宗瀚

績著龍驤

張壽鏞

捍衛鄉國

邵 養

湖山正氣

呂公望

官輕民重

崔振魁

長才未竟

郭則澧

箕尾光寒

許元震

唐景崧

馬臯崛起

董元春

英名千古

沈金鑑

沈廷鑑

武曲韜芒

巴英額

神託箕尾

胡文藻

曠世留名

秦毓琦 似錫章

英氣凜然

型端

浩氣常在

王燮陽

頓失干城

莊景珂

之江一柱

徐沅

遺烈鏘洋

胡翔林

蓋世功勳

張允言

偉略猶存

蔡和林

神明磊落

宋祚熬

善全終始

程恩培

雍容儒將

丁承濂

功垂吳越

徐之槩

將星隕曜

史履晉

英風頓杳

吳 燾

復漢功高

魏業簞

功在千秋

趙之騃

賚志堪悲

屈映光

騎箕天上

葉頌清

騎箕西去

林之夏

素旆秋悲

諸宗元

袁榮燮

余銘銓



陳渭 錢大鏞

大將星沉

陳敬第 虞廷愷

澤被枌榆

沈寶昌

星隕津沽

張祖厚

山高水長

丁傳紳

恆幹中摧

孫世偉

黃壚感逝

朱文劭 胡心銘 槃

功在旂常

陳蔚

平吳著績

黃曾枚

保越垂勳

汪怡

功垂兩浙

顏士晉

勳留吳越

林玉麒

一代偉人

徐象先

功在社稷

王文慶

星沈冀北

趙慶華

遺型猶在

楊雲峯

一朝千古

汪希

張

烈

王

弋

衛霍哀榮

胡思義

馮汝良

星沈冀野

章長庚

馮學壹

黃毓材

沈士遠

楊毓琦

鄂國雄風

李沫

大樹飄蕭

呂渭英

上將星沈

嚴震

德被梓桑

周永炎

鍾鼎銘勳

許耀

鼓鼙悲咽

樊德光

郝登五

風徽已往

袁際鳳

屠元豫

韓

靖

唐

達

典型尙在

陳威  
陳儀

天奪元戎

王天木

屏藩邦國

葉煥華

遺世歸真

莫永貞

魂歸渤海

金兆蕃  
陶昌善

保我黎民

徐鴻寶  
楊天驥  
葛敬猷

經文偉武

王樹榮

藩翰梓邦

陶葆廉

陶葆霖

薤露興悲

張嘉森

張嘉璈

泰山其頽

瀨上恕治

駐杭日領事

支那英傑

寶述德

駐杭英領事

中國偉人

梅滕更

英醫士

澤及歐僑

大河平

日人

中外同欽

浙江通志局

光增史乘

袁鍾祥

公明廉威

王亮

周家誠

端木彰

偉略猶存

宋漢章

李銘

陳德輝

莊籙

威鎮浙江

徐鍾恆

將星遽賈

徐時勉

箕尾光寒

董康

姚震

汪燦芝

余榮昌

衛霍比隆

陳虹 杜鴻年

石龍川

雷炳焜

宋煥章

望重東南

李蕓

偉績豐功

趙理泰

公瑾同悲

錢駿祥

汗簡書動

田世澤

古之干城

何春熙

鬱鬱終古



金富有

名垂竹帛

袁慶萱 趙廷玉

名垂千古

陸懋勳

遺愛猶存

錢人龍

功媿燕然

陳融

功德莊嚴

顧乃斌

將星遽隕

童保暄

終軍長謝

夏超

奠

沈鈞業

保障東南

馬賓來

逝有所歸

虞和德

竹帛銘勳

姚福同

長才未竟

張載陽

潮聲悲咽

方錫榮

東南保障

葛嗣彤

保全桑梓

朱仁壽

朱彭壽

從赤松遊

陳廷緒

丁紫芳

汗馬功名

鍾文耀

功伴武肅

傅孟

周亞衛

潘

竟

吳翀漢

恆榦中摧

周琮

祝紹基

將臺星隕

沈賢芳

生榮死哀

沈善謙

維邦之榦

黃庭光

神騎箕尾

周大輔

福國利民

斯良

哲人其萎

包光鏞

包光烈

浙水之英

姚應泰

盡瘁爲國

傅國楨

南天銅柱

汪 欽

萬古雲霄

金兆鵬

大樹飄零

汪之學

氣壯河山

許炳堃

維國之楨

金百順 金承誥 王家森

新邦名將

吳鴻昌 邵啟賢

星沈北斗

樓文鏞 樓文耀 樓文藻 樓文熙

功在梓桑

丁燮

古名將風

韓清泉

鐵騎功高

張國威 朱壽同 厲爾康 陳 懋

大星傾移

朱丙慶

韓范威名

宋秀魁

方夏元戎

俞煒

碩望鴻猷

王萼

奠

韓紹基

衛霍遺風

邱志龍

文武兼資

黃元秀

姚慈第

藍昌兆

周家英

陳雄洲

宋開仕

樊鎮

劉端

徐斌

秦懋勳

部曲銜悲

吳 丙

遺愛猶存

金慕萱 金日新

麾鉞敷威

朱吉舜 汪 瑩 呂本端

墮淚碑存

魏在田

騎箕震悼

張光第

遺愛在民

陸慶楹 周銘釗 陳 夔

細柳風寒

施 普 袁漢宏 魯敬亭 袁世俊



葉慶龍

牙璋馳譽

奈冠澄 王 復 趙之偉 葉 綱 趙百祿

陳贊唐

挾纊思恩

李焯章 汪鎬基

裘帶遺風

宋承家

民懷先烈

余大鈞

高山仰止

王國治 牛蔭馨

碩德猶存

戴任 李壽慈 鄭彤雯 盧兆梅 朱鼎新

豐功偉略

吳思豫 包右武 黃震 孟荻洲 俞啓瑞

陳彝鏞

六軍痛哭

金國勝 曾詠沂 陳麒 陳澤民 李榮標

績著疆圻

石國柱 胡奠邦 汪志臣 盧仲英 趙英武

王子清

威揚專閫

王偉 許乃廣 盛燮麟 李溶明 何天慶

彭永慶

夙嫻韜略

余壯鳴 任蔚坤 戴彤 胡家弼 譚金成

樽暉凋謝

陸殿魁

石隕星沈

王樹枏

功德在民

吳鍾鎔 董紹祺

衛霍媿隆

章祖衡 江恢閱

允武允文

梁兆棟 周之鼎 陳湧 胡偉 鍾景祺

金桂林

神歸天上

孫錫祺

將星掩芒

陳德輝

哲人其萎

章世嘉 劉體乾

郎位星沈

陸鍾瑛 祝履中

國家之棟

彭延慶

將星掩曜

呂本元

大星西賁

盛鍾俊

斧鉞勳隆

白觀圭

葉頌賢

楊星生

部曲咸悲

湯心存

江湖嗚咽

謝祖康

白馬素車

程尙豐

龔克明

勳銘竹帛

李聖略

全浙干城

方景銘

麾鉞騰威

葉燮光

淚墮羊碑

廖維綱

吳啟璋

韓范遺徽

潘國綱

武肅後身

王民皞

汪以鈞

石

鐸

厲家福

方

悌

李郭遺型

林競雄

吳秉元

將星掩耀

沈寶欽

沈寶銓

儒將風流

畢兆熊

衛霍英風

郭葆誠

天奪英年

鄒祖榮

錢世繩

立功不朽

朱景熙

韓岳齊勳

屈燧

豹略咸欽

金有恆

金有壬

命世之英

陸其光

偉績猶存

徐震方 伍文淵 余宗魯 徐 鯤 高文蔚

楊時三

郭龐令範

但懋祺

捍衛東南

陳簡文

清敏後身

潘桂霖

衛霍遺徽

鄭志道 李厚瑞

上將星沉

王士廉

龍韜未墜



謝錫嘏

民懷前烈

姚福昌

壞我長城

金繼揚

人皆仰之

顧企韓

叔子風流

阮春齡

田玉樹

虎帳風淒

王承祖

吳元黼

英風宛在

李光鄴

黃又望

韓秉彝

石賈星沈

周文炳

碩德尙存

徐光溥

保我黎民

俞同

吳昌齡

張鏡

一柱西傾

劉傳綬

徐興倉

劉華式

吳振南

鄧聰保

吳紉禮

林葆綸

何品璋

謝葆璋

陳壽彭

峴首留碑

蔣平西

張焯

何葆森

江湖悲咽

龔咸德

程尙登

韓白軍威

陳翰方邕

青史千秋

阮呈蓀

圻父詩亡

陳國材

羊杜遺風

郭雲巖 郭春巖

仁風可仰

蔣寶榕

清德樓空

朱德華

韓岳奇勳

蔡宗樑 陳錫楨

道德可風

曹林

星隕雲津

楊際春

名垂宇宙

蔣萬鵬

功勳共仰

沈宗約

虎帳威騰

林銳

汪淵溯

顧

鴻

鷹揚績著

王家琦

一別千秋

程干青

李

爽

征虜遺風

徐銘新

神歸兜率

顏佑寬

吳炳文

天不假年

張鄭康

英雄難再

褚榮泰

姜丙奎

棟梁頓折

陳光憲

鈴閣風淒

祝學鴻

天不祚年

張連生

蔣星匿彩

余銘鑑

薛志超

蔣普恩

董新猷

胡義慶

張蔭榮

劉崧申

葉英

雅度欽欽

李任

張舜其

鄭超

董壽民

嚴永連

張友全

陳瑞棟

英風宛在

劉炳樞

魏斌

蘇炳瑤

王樹基

史之耀

楊佐江

將星早隕

顧乃鑄 陳鳳文 沈嘉煒 許濟 謝韞  
黃祖澄 黃祖啟

夏魁 謝鼎 邵武 吳光 白釗

沈廣聲 李金培 周之鼎 喻漢勳 朱學豐

恩威並濟

余憲文 項聰 張效巡 楊國樑 林海青

商應時 管籥 劉蔚 喻銘勳 陸潤康

趙鳳藻

駕鶴仙遊

趙文耀 王盛麟 馬志援 龍斌 李玉椿

章廣耀 何志誠 王廷詔 俞昌 趙承殷

韓岳軍聲

陳鰈宸 蔡汝霖 胡翔青 杜士珍 傅家銓

張傳保 褚輔仁 丁儁宣

奠

朱 鍊 黃祖鎔 杜 庸 張沐霖 姜師望

莫守莊

我武維揚

陳 濂 陳維蕃 吳元亮 程煦元 王乃賡

愛人有道

趙文伯 朱少筠 李慎安 沈佐卿 賀榮堂

林文彬 楊喬生

素車白馬

吳伯廉 吳肇基 錢 皋 錢元定 宗維中

王國均 孟 泰 趙志雲 陸漢鼎 童厥初



葉衍桐 樓文鏢

管領湖山

陳肇英 李震東 魏吳光 呂煥光 張清

李茝荃 徐濬 汪懷

奠

沈汝驥 徐琳 王崇年 周鼎斯 俠

范明榮 王寅慶

上將功高

徐康聖 奚駿聲 張剛 賈連城 張樂

楊恆 俞蟄

奠

楊三 張勝 呂年 鄭鳳青 王城

大星隕越

馬玉成 蔡源 蔣健 吳錫林 陳偉績

葉琳新

平吳治越

施承志 董朱聯 李家鼎 馮熾中 錢宗澤

周智 虞言 陳鈍 余國棟 杜鴻儀

奚政 易承恩 洪幹臣 蔣堂 陳鼎康

何民 徐雄 陸鍾泰 王輔臣 王從善

王志祥 王大榮 朱佑春

奠

龔寶銓 陳宜慈 徐文藻 計宗型 謝迺績

劉仁燦 嚴祖榮 徐鶴齡

壯歲登壇

李芸孫 錢采臣 王毅甫 李菊孫 吳月洲

陸寅賓 周仲丹

休休有容

郁文蔚 徐輔廷 郁康侯 趙晉卿 徐達三

馬頌夫

德並錢鏐

王敬祖 包涵 姜宗義 徐廷榮 高振聲

涂山

大樹懷蔭

杭州基督教青年會

英風不泯

杭州蕙蘭中學校代表 王步賢 徐鉞

哲人其萎

費紹冠 余承誼

澤敷兩浙

顧松慶

王錫榮

勳懷保障

陳壽彝

余鼎榮

揭國鈞

石得標

助隆民國

錢應選

湯璞

王恩溥

龔鵬年

亦儒亦將

周日中

丁少溪

奪我偉人

莊承彝

神歸崧嶽

李全義

陳璠

斯資深

陳寶貞

奠

郝國璽 包鏡 黃元祥 王寅 陳銘閣

郝榮祖 楊疇 馬志銳 姚永安 王惟

何公烈 趙英育 孫鵬飛 郝榮喬

大樹飄零

傅堯民 謝瀛泉 汪鶴年 陳祥符 王勉堂

王國柱

立功不朽

黃繼忠 范耀魁 徐星環 陳金棠 徐汝梅

李治光 陳朝傑

樾蔭猶留

吳清

保障東南

姚景夔

大德克讓

魏蘭

英風宛然

陳懋孫 陳銘

褒鄂勳名

徐安國

星隕津門

徐清華 徐清揚

英靈常在

湯望霓 張瑞霖 唐鏡澄 姚在春

齊政宣風

黃元勳

屏翰宣猷

王樹培

遺範堪欽

吳秀常

蔦蘿失庇

曹柱

吳祖芳

王國賓

王育培

儲

才

我將安仰

姚德輝

蜺旌西指

黃壽祁

頓折砥柱

陳書

王學淵

陳德培

吏民愛敬

張源濬

張源泳

威聲遠邇

陳維滋

斗南一人

陳俊

勳震全球

張文學

張文翰

矯矯干城

張庭梧

張金聲

張本柏

折翼同傷

陶汝梅

勳留閩外

孫絢章

節樓雲閣



萬配霖

志合同方

陳瀚

奠

平孝陔

平孝本

黃石韜鈴

陳培源

葭葶失蔭

陶階泰

陶珍芳

都府風高

郭景儀

典型尙在

陶學麒

哀輓錄丁編 韓字

奠

王 叟 朱孔陽 王黻清

勳隆民國

周昌歧

國之干城

周世型

功垂兩浙

汪廷政

鐵券助垂

徐步雲 徐伯塤

助著寰區

李維溶

一朝千秋

張永熙 張永勳 姜承基 姜錫璜

威儀猶在

吳家宜

浙潮哀咽

巴靜田 馬冠羣

碩德堪欽

盧炳榮

名振四海

楊達三 楊黻廷

手奠金陵

趙光凝 周希孟

如龍斯驤

朱鴻逵 吾鴻墀 張文龍 褚士淵 何肇禧

奠

姚思濬 朱濟川 王福基 王茂基 王蔭基

錢塘潮咽

周祖謀 王鴻鈞

羊杜遺風

徐士培

長城頓壞

徐文俊

大度能容

李鍾崧

武肅後身

張華清

淚灑東床

儲永忠

留侯再世

吳逢時

金壽康

旄頭星落

孫熺祿

失我良朋

徐士鍾

遺愛之江

吳以俊

朱世涵

王敬照

李士英

汪燮恩

王昌羲

名重國史

張志霖

張炳蓀

蜀茶空憶

葉時雨 葉桐侯

英風頓杳

富光年

青藍抱痛

馮家璜

干城誰寄

王敬烈 王驥

大將星沉

徐文彬

英氣猶存

王學濂 王學曾

誼深盧李

陸官圻

望重珪璋

宣清源

綏靖功高

金仰洙

頓折樑材

查人伊

道義干城

祖張駿

鍾其光

陳宜祿

孫大梓

戴

麟

孫鴻藻

衛鄉保國

盧元振

功耀旂常

孫廷榮

陸

溱

張

謙

有功不矜

張清熙

威震江南

徐燕昌

如失手足

王大榮

渭陽感飫

步鳳翔

綏靖地方

李咸德

名傳中外

祝廣仁

遽失長城



王國鈞

長才未竟

王國華

王黻華

功同韓范

戴國鈞

莊國樑

金汝楫

黃士達

華屋山邱

沈夢九

天不假年

王昌祺

情傷手足

黃承毅

兩浙一人

吳賡廷

峴碑雲矗

孫廷棧

功垂青史

巴用梅

望重斗山

吾大淦

星沉冀野

王大經

典型猶在

苗廷寀

開國元勳

姚承栻

秋冷鴛湖

汪賢甫

湖山誰主

石安卿

姚秀臣

長才未竟

張文梓

牙蠶霜寒

巴維義

蓉城召促

萬峰青

萬蘿失施

巴用蕃

巴乃焜

澤被東南

徐丙燿

談庭梧

盧學源

金廉泉

姜桂芬

張國楨 徐鴻機 王家樑 任吟芳 吾大綸  
當代偉人

陸元熾 何德頤 查賡廷 葉蘋江 張誠卿  
沈子英 湯聘三 周炳榮 沈桂堂 盧冠士  
雅歌遺韻

王維榕 王維楣 王維棫  
蓋代英豪

陳賡笙 徐保成 顧國鈞 陳其淮 朱維貴

陳德錦

古儒將風

馬朱點 馮錢羣

誼託葭莩

李廷玉

榮戟森嚴

康熊

撫馭有方

王耕凡

有達尊三

吾蘭墀

中外同悲

徐文新

學道愛人

王敬燮

映徹九泉

盛錦榮

整我戎行

仇廷滋

天奪英才

徐志凱

富承皋

談庭楣

孫廷謙

徐志珪

葉榮春

孟宗煦

徐子敬

偉績豐功

吳廣沂

吳廣華

天柱峰頽

徐清來

顧福山

祝德淞

整軍經武

周樹槐

梅基

成功克讓

程鎮華

渭陽長別

王甲榮

奠

周顯謨

功德猶存

王文煥

旋乾坤手

王心仁

光增史冊

李景晟

徐

桐

任

光

愛人以德

何德嘉

上台星沈

張善城

哀輓錄丁編 韓字

國之碩柱

顧榮甫

顧牖民

顧覺民

將星痛沈

吳時揚

天厄元勳

毛志標

碑鐫墮淚

朱黻廷

蜚英騰茂

朱昌祿

朱承業

朱昌翊

吾宗翹楚

朱興沂

朱興汾

朱興潞

朱興淮

澤在湖山



朱興鄴 朱興郟 朱興燕 朱興鄂

望重我宗

朱清黻 朱清彥

德隆望重

朱 羲

世德咸欽

熊巧男

仁人之心

王沛國

宅相空懷

道士洪明遠

神遊紫府

道士陳宗義

恩敷方外

釋開圓

大雄禪寂

釋靜空

我佛西歸

尼湧三

竺國仙遊

哀輓錄丁編終

